



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Sulpici[i] Severi Presbyteri Opera Omnia**

**Sulpicius <Severus>**

**Amstelodami, 1665**

De Beati Martini Vita Liber.

**urn:nbn:de:hbz:466:1-11490**



S U L P I C I   S E V E R I  
D E  
B E A T I M A R T I N I  
V I T A  
L I B E R.

**P**erique mortales studio gloriæ sæcularis inaniter dediti, exinde perennem (ut putabant) memoriam nominis sui quæsiverunt, si vitas clarorum virorum stylo illustrassent. Quæ res utique non perennem quidem, sed aliquantulum tamen conceptæ spei fructum afferebat; quia & sui memoriam, licet incasum, propagabant: & propositis magnorum virotum exemplis, non parva æmulatio legentibus excitabatur. Sed tamen nihil ad beatam illam æternamque vitam hæc eorum cura pertinuit. Quid enim aut ipsis occasura cum sæculo scriptorum suorum gloria profuit? aut quid posteritas emolumenti tulit, legendō Hectorem pugnanteū, aut Socratem philosophantem? cum eos non solum imitari stultitia sit, sed non acerrime etiam impugnare, dementia: quippe qui humana vitam præsentibus tantum actibus æstimantes, spes suas fabulis, animas suas sepulcris dederint. Siquidem ad solam hominum memoriam se perpetuandos crediderunt, cum ho-

Ee 4

minis

minis officium sit, perennem potius vitam, quam perennem memoriam, querere, non scribendo, aut pugnando, vel philosophando: sed pie, sancte, religioseque vivendo. Qui quidem error humanus, litteris traditus, in tantum valuit, ut multos plane æmulos, vel inanis philosophiæ, vel stultæ illius virtutis, invenerit. Unde facturus mihi operæ premium videor, si vitam sanctissimi viri, exemplo aliis mox futuram, perscripsero: quo utique ad veram sapientiam, & cœlestem militiam, divinamq; virtutem legentes incitabuntur. In quo ita nostri quoque rationem commodi ducimus, ut non inanem ab hominibus in memoriam, sed æternum à Deo præmium exspectemus. Quia & si ipsi non viximus, ut aliis exemplo esse possimus: dedimus tamen operam, ne is lateret, qui esset imitandus. Igitur S. Martini vitam scribere exordiar, & quæ vel ante episcopatum, vel in episcopatu gesserit. Quamvis nequaquam ad omnia illius potuerim pervenire: adeo ea, in quibus ipse tantum sibi conscius fuit, nesciuntur: quia laudem ab hominibus non requirens, quantum in ipso fuit, omnes virtutes suas latere voluisse. Quanquam etiam ex his, quæ comperta nobis erant, plura omisimus: quia sufficere credidimus, si tantum excellentiora notarentur. Simul & legentibus consulendum fuit, ne quod his pareret copia congesta fastidium. Obscro autem eos qui lecturi sunt, ut fidem dictis adhibeant: neque me quidquam, nisi compertum & probatum scripsisse, arbitrentur: alioqui tacere, quam falsa dicere, maluissem.

I. I G I T U R <sup>1</sup>M A R T I N U S Sabariæ Pannoniarum oriundus fuit, sed intra Italiam Ticini altus est, <sup>2</sup> parentibus secundum sæculi dignitatem non insimis, gentilibus tamen.

<sup>1</sup> M artinus Sabariæ Pannoniarum o-  
riundus fuit. [M aртинъ, дото се-  
бя възглѣдъ ти нервонъ. Sozom. III. c. 13.]

<sup>2</sup> Parentibus secundum sæculi dignitatem  
non insimis. [Еπίσημος λαός των Χριστιανών.  
Sozomenus.]

<sup>3</sup> Inter

men. Pater ejus miles primum, post tribunus militum fuit. Ipse armatam militiam in adolescentia fecutus, <sup>1</sup> inter scholares alas <sup>2</sup> sub rege Constantio, deinde, sub Juliano Cæsare militavit: non tamen sponte: quia à primis fere annis, divina potius servitute, sacra illustris pueri spiravit infantia. Nam cum esset annorum decem, invitis parentibus ad Ecclesiam confugit, seque catechumenum fieri postulavit. Mox mirum in modum totus in Dei opere conversus, cum esset annorum duodecim, eremum concupivit: fecissetque votis satis, si ætatis infirmitas non obstitisset. Animus tamen aut circa monasteria, aut circa Ecclesiam semper intentus, meditabatur adhuc in ætate puerili, quod postea devotus implevit. Sed cum edictum esset à regibus, ut veteranorum filii ad militiam scriberentur, prodente patre, qui felicibus ejus actibus invidebat, cum esset annorum quindecim raptus & catenatus, sacramentis militaribus implicatus est, uno tantum servo comite contentus: cui tamen versa vice dominus serviebat: adeo ut plerumque ei & calceamenta detraheret, & ipse detergeret: cibum una caperent, hic tamen saepius ministraret. Triennium fere ante baptismum in armis fuit, integer tamen ab iis vitiis, quibus illud hominum genus implicari solet. Multa illi circa comilitones benignitas, mira caritas: patientia vero atque humilitas ultra humanum modum. Nam frugalitatem in eo laudare non est necesse, qua ita usus est, ut jam illo tempore non miles, sed monachus putaretur. Quibus rebus ita sibi

omnes

<sup>1</sup> Inter scholares alas.] Alæ equitum, Cohortes peditum. Alæ dividebantur in Scholas, ut ex Vitruvio patet. *Salm.* Sic scripti ex Trud. I. Parc. & Bethlem. Veteranorum enim filii scholares dicebantur, cum adolescentes armatam militiam sequerentur, ut ex Vegetio liquet, & xi. lib. Codicis, titulo, de scholiarum privilegiis. Iis scholis qui præferant (erant autem variae, & plurimæ, ut ex Comment. Reip. Rom. La-

zii lib. 4. cap. 13. constat) modo capita scholarum, modo comites ac tribuni diebantur: ut iidem auctores modo laudari memoriae prodiderunt. *Giselinus.*

<sup>2</sup> Sub rege Constantio.] Sic feliciter emendavit Giselinus, cum antea legeretur *Constantino*. Quod nec de Constantino magno, nec filio ejus, intelligi, temporum rationes, & Martini ætas, permittunt.

omnes commilitones suos devinxerat, ut eum miro affectu venerarentur. <sup>1</sup> Nec dum tamen regeneratus in Christo, agebat quandam bonis operibus <sup>2</sup> baptismatis candidatum: assistere scilicet laborantibus, opem ferre miseris, alere egentes, vestire nudos, nihil sibi ex militiae stipendiis præter quotidianum victum reservans: jam tum Euangelii non surdus auditor, de craftino non cogitabat.

II. Quodam itaque tempore, cum jam <sup>3</sup> nihil præter arma & simplicem militiae vestem haberet, media hyeme, quæ solito asperior inhorruerat, adeo ut plerosque vis algoris extingueret, obvium habet in porta Ambianensium civitatis pauperem nudum: qui cum prætereuntes, ut sui miserentur, oraret, omnesque miserum præterirent: intellexit vir Deo plenus, sibi illum, aliis misericordiam non præstantibus, reservari. Quid tamen ageret? nihil præter chlamydem, qua indutus erat, habebat: jam enim reliqua in opus simile consumpscerat. Arrepto itaque ferro, quo incinctus erat, medium dividit, partemque ejus pauperi tribuit, reliqua rursus induitur. Interea de circumstantibus ridere nonnulli, quia deformis esset, & truncatus habitu videretur: multi tamen, quibus erat mens sanior, altius gemere, quod nihil simile fecissent: cum utique plus habentes, vestire

<sup>1</sup> Nec dum tamen regeneratus in Christo.] Veteres baptismum absolute necessarium putabant ad regenerationem & salutem. Ambros. libro de his qui initiantur cap. iv. Credit Catechumenus, sed nisi baptizetur remissionem peccatorum non potest obtainere, neque gratia spirituialis manus haurire. August. Tract. xiii. in Johannem: Quantumcumque Catechumenus proficiat, adhuc sarcinam iniquitatis portat, non illi dimittitur nisi quum per venerit ad baptismum. Sic & alii patres.

<sup>2</sup> Baptismatis candidatum.] Baptizandi olim erant albati. Paulinus epist. xxi. ad Severum:

Inde parens sacro dicit de fonte sacerdos

Infantes niveos, corpore, corde, habitu. Multa ejus moris testimonia extant apud Ambrosium, Dionysium Areopagitam, Gregorium Turonensem v. Histor. xi. Socratem vii, 17. Rabanum Maurum & alios. Juretus.

<sup>3</sup> Nihil præter chlamydem.] Fortunatus indicat eam more Romanorum militum albam fuisse, quod nec Severus nec Paulinus notarunt. Unde apud Marcellinum xv. & xxxi. Candidati pro militibus. Claudianus niveas cohortes vocat. In quartum consulatum Honorii. Sic & alii multi. Idem.

<sup>4</sup> Adhuc

vestire pauperem sine sua nuditate potuissent. Nocte igitur infecuta, cum se sopori dedisset, vidi Christum chlamydis suæ, qua pauperem texerat, parte vestitum. Intueri diligentissime Dominum, vestemque quam dederat, jubetur agnoscere. Mox ad Angelorum circumstantium multitudinem, audit Jesum clara voce dicentem: *Martinus<sup>1</sup> adhuc catechumenus, hac me ueste contexit.* Vere memor Dominus dictorum suorum, (qui ante prædixerat: *Quamdiu fecisti hæc uni ex minimis istis, mihi fecisti*) se in paupere professus est suis uestitum: & ad confirmandum tam boni operis testimonium, in eodem se habitu, quem pauper acceperat, est dignatus ostendere. Quo viso, vir beatus non in gloriam est elatus humanam, sed bonitatem Dei in suo opere cognoscens, cum esset<sup>2</sup> annorum duodeviginti, ab baptis-  
mum convolavit. Nec tamen statim militiæ renuntiavit, tribuni sui precibus evictus, cui contubernium familiare præstabat. Etenim<sup>3</sup> transacto tribunatus sui tempore, renuntiaturum se sæculo pollicebatur. Qua Martinus exsp-  
etatione

<sup>1</sup> *Adhuc catechumenus.*] In quibusdam Ecclesiis Græcanicis; immo vel in plurimis, prima die dicebantur Christiani, qua crediderant, & se credere professerant, sequente die in Catechumenos conscribebantur, tertia exorcizabantur & insufflabantur, postea inter Catechumenos diu manebant audientes Scripturas, postremo baptizabantur. Cum baptismō autem simul comprehendebatur chrismatio, quia ultimus ejus erat actus. In Occidente similiter prima credendi professione fiebant Christiani, quam concilium Eliberitanum fidem primam credulitatis appellat Can. XLII. *Eos qui ad fidem primam credulitatis accedunt, si bona fuerint conversationes intra biennium placuit ad baptismi gratiam admitti debere.* Prima illa fidei credulitate cum impositione etiam manuum, quasi benedictione, recipiebantur inter Catechumenos & Christiani tum demum

dici incipiebant, ut liquet ex ejusdem concilii can. XLIV. his verbis: *Qui aliquando fuerit Catechumenus & per infinita tempora nunquam ad Ecclesiam accesserit, si eum de clero quisque cognoverit esse Christianum, aut testis aliqui extiterint fideles, placuit ei baptismum non negari.* Cum Christiani hoc modo fierent & hoc nomen mererentur ex prima fidei Christianæ professione, manuum impositione tunc etiam benedicebantur. *Salmas.*

<sup>2</sup> *Annorum duodeviginti.*] Paulinus: *Quatuor à lustris.*

<sup>3</sup> *Transacto tribunatus sui tempore.*] Erant enim eo tempore milites fere Christiani: atque hoc illud est, cur Julianus ad demerendos militum animos antequam Augustus salutaretur, Christianum simularit. Vide Theodorus hist. Eccles. lib. III. cap. 4. & Nazianz. in eundem. *Giselin.*

ctatione suspensus, per biennium fere, postquam est baptisma consecutus, 'solo licet nomine, militavit.

III. Interea<sup>2</sup> irruentibus intra Gallias Barbaris, Julianus Cæsar, coacto in unum exercitu apud Vangionum civitatem, donativum cœpit erogare militibus, ut est consuetudinis, singuli citabantur, donec ad Martinum ventum est. Tum vero oportunum tempus existimans, quo peteret missionem (neque enim integrum sibi fore arbitrabatur, si<sup>3</sup> donativum non militaturus acciperet) Haçenus, inquit

ad

*1 Solo licet nomine.] Paulinus: Sed solo nomine miles. Militiam nomine tenus cultam illi opponit, quam armatam in adolescentia sub Constantio secutum esse supra dixit. Gislin.*

*2 Irruentibus intra Gallias Barbaris, Julianus Cæsar.] De ipsa re, sic Socrates scribit lib. 6. hist. Trip. cap. 1. Post hæc igitur Imperator (Constantius) evocavit Julianum, & constituit Cæarem, dansque ei conjugem Constantiam (Helenam vocat Ammianus lib. 15.) sororem suam, contra Barbaros eum destinavit ad Gallias. Hi namque Barbari, quorum Imp. Constantius contra Magnentium auxilia petierat, cum nihil profuerint contra tyrannum, Romanorum vastabant urbes. & mox: & cum illi (Barbari) per legatos, litteras Imperatoris eos ad provincias invitantes ostenderent, &c. Hæc igitur accidisse videntur ineunte anno illo, quo ipse consul primum cum Constantio Cons. viii. in Gallias ad Alemannorum incursus coercendos missus est. ii enim tum temporis Constantio aliis occupato, tantis viribus atque impetu è suis finibus in Gallias proruperant, easque nullo reniente adeo ad internecionem vastarant, pene ut eas Augustus pro deploratis haberit, & Julianum patruelem fratrem ea una solaque de causa coactus sit in imperii societatem adsciscere. Adscitus igitur ille Fl. Arbetione, & Mavortio Lolliano coss. ipsis Kal. Decemb.*

Viennæ ut hibernaret, ex urbe egressus est ibi cum omnia ad bellum Gallicum necessaria comparasset; confecto rapta per Augustodunum, Antissiodorum, & Tricassas, perdifficili & periculo itinere (omnia enim ea loca hostes populabundi insederant) Remis tandem exercitus suos coniunxit: atque indeper decem pagos Alemanam plebem aggressus, quæ Argentoratum, Brotomagum, Tabernas, Salisōnem, Nemetas, Vangionas & Maguntiacum civitates possidebant, eorumque territoria hababant: primam omnium Brotomagum occupavit: ibique occurrentem Germanorum manum partim cecidit, partim fugæ celeritate salutem sibi quærere coegerit. Hæc è lib. xvii. Ammiani pluribus adduxi, tum ut ipsi historia lucem non nullam afferrem, tum quod hoc uno loco tota Chronologæ nostræ ratio & fundamentum nitantur. Omnino enim mihi persuadeo, B. Martinum hanc, de qua nunc agimus, missionem imperatasse Remis aut certe Brotomagi. ex quo & illud necessario efficitur, si bienio ante missionem baptismo fuerit initiatus, vigesimo fere ætatis anno militia sacramento exauktoratum fuisse, qui annus incidit in annum imperii Constantii xx. Urbis cond. m. cxiiii. Christi vero ccc. lvi. supputante Onuphrio. Gisli.

*3 Donativum.] Proprium hoc militis, ut congiarium civium & plebis. Jur. i Christi*

ad Cæsarem, militavi tibi: patere ut nunc militem Deo: donativum tuum, militaturus accipiat: <sup>1</sup> Christi ego miles sum. Pugnare mihi non licet. Tum vero adversus hanc vocem Tyrannus infremuit, dicens, eum metu pugnæ, quæ postea die erat futura, non religionis gratia, detrectare militiam. At Martinus intrepidus, immo illato sibi terrore constantior: *Si hoc, inquit, ignavia ascribitur, non fidei, crastina die ante aciem inermis adstabo: & in nomine Domini Jesu, signo crucis, non clypeo protectus, aut galea, hostium cuneos penetrabo securus.* Retrudi ergo in custodiam jubetur, facturus fidem dictis, ut inermis barbaris objiceretur. Postea die hostes <sup>3</sup> legatos de pace miserunt, sua omnia seseque dedentes. Unde quis dubitet, hanc vere beati viri fuisse victoriā, cui præstitum sit, ne inermis ad proelium mitteretur. Et quamvis pius Dominus servare militem suum, licet inter hostium gladios & tela potuisset: tamen ne vel <sup>4</sup> aliorum morte sancti violarentur obtutus, exemit pugnæ necessitatem. Neque enim aliam pro milite suo Christus debuit præstare victoriā, quam, ut subactis sine sanguine hostibus, nemo moreretur.

## IV. Ex-

<sup>1</sup> Christi ego miles sum. Pugnare mihi non licet.] Hæc nihil pro Anabaptistis. Quanquam videatur vel Martinus, si hæc dixit, vel Severus, qui hæc scripsit, non recte Christianam libertatem intellexisse. Cur non pugnemus contra barbaros? Christiani cavere debent bella civilia contra fratres suos. Turcam, Taratum, immanem belluam debellare, Christus non prohibet, sed jubet potius, si nos offendant & opprimant. Horn.

<sup>2</sup> Signo crucis.] Veteres se cruce munierunt, non quod externo signo tantam vim adscriberent, sed ob fiduciam in mortem Christi. Chrysostom. Horn. z.v. in Matth. *Crucem non simpliciter dixi in corpore, sed magna profectio fide in mente formari oportet.* Crux transiens

apud puriorem Ecclesiam in usu fuit, non crux permanens.

<sup>3</sup> Legatos de pace miserunt.] Si conjecturis locus est, scite huc quadrare possint verba illa Marcellini: *Igitur Agripinam ingressus (recto itinere ex Brotomago) non ante motus est exinde, quam Francorum regibus furore mitescente perterritis, pacem Reip. firmaret, & urbem recipere munitissimam.* Sed hæc conjectura tantum est, vera an falsa, viderint alii. Gisel.

<sup>4</sup> Aliorum morte sancti violarentur obtutus.] Minucius in Octavio, de Christianis: *Nobis homicidium nec videre fas, nec audire.* Virgil. II. Aeneid.

— *Nati me cernere letum  
Fecisti, & patios fædasti sanguine vultus.*

<sup>1</sup> Epistle

IV. Exinde relicta militia, sanctum Hilarium, pictavæ episcopum civitatis, cuius tunc in Dei rebus spectata & cognita fides habebatur, expetivit: & aliquamdiu apud eum comoratus est. Tentavit autem idem Hilarius, imposito Diaconii officio, sibi eum arctius implicare, & ministerio vincire divino. Sed cum saepissime restisset, indignum se esse vociferans: intellexit vir altioris ingenii, hoc eum modo posse constringi, si id ei officii imponeret, in quo quidam locus injuriæ videretur. Itaque exorcistam eum esse præcepit. Quam ille ordinationem, ne despexisse tanquam humiliorem videretur, non repudiavit. Nec multo post admonitus per soporem, ut patriam parentesque, quos adhuc gentilitas detinebat, religiosa sollicitudine visitaret, ex voluntate sancti Hilarii profectus est, multisque ab eo adstrictus precibus & lacrymis ut rediret, mœstus (ut ferunt) peregrinationem illam aggressus est, contestatus fratres, multa se adversa passurum. Quod postea probavit eventus. Ac prium inter Alpes devia secutus, incidit in latrones. Cumque unus securim elevatam in caput ejus librasset, iustum ferientis dextera sustinuit alter, vincitatem

<sup>1</sup> Episcopum.] Presbyteri & Episcopi differebant sola ordinatione. Chrysostomus dixit, μόνη τῇ χριστοῖς ἀνεγένεταις Episcopos supra presbyteros, hoc est, superiores esse sola ordinatione. Theophylactus presbyteros μόνη τῇ χριστοῖς κατέγενεται, id est, inferiores esse. Hoc plane est discrimen internæ potestatis quo Hieronymus scripsit maiores presbyteris esse Episcopos, & inferiores presbyteros Episcopis, non vero potestatem externam gubernationis respexit. Salmasius.

<sup>2</sup> Exorcistam eum esse præcepit.] Paulinus Nat. IV. Felicis:

— Primis lector servivit in amnis,  
Inde gradum cepit, cui munus voce fideli,  
Adjurare malos & sacris pellere verbis.

Epistola VI. ad Amandum, vocat exorcistam dæmonis terribilem. Epist. XVI, ad Delphinum, ait ex nomine exorcistæ gravitatem assumi & reverentiam dari. Ut dubitem cur Severus ita vile officium putarit, ut injuriæ conjungat. Juret. In libro Pontificali Damasi, Casius Episcopus Romæ qui vixit sub finem terrii saeculi constituisse dicitur: Si quis Episcopus esse merevertur, ut esset Officiarius, Lector, Exorcista, Sequens, Subdiaconus, Diaconus, Presbyter, & exinde Episcopus ordinarius. Ubi sequentem vocat qui Græcis ἀνδρὶς, & Romanis Acoluthum voce Græca, & corrupta Acolytum. Septem ibi habes ordines Ecclesie, quorum summus est presbyter. Salmasius.

x Christi

men post tergum manibus , uni servandus & spoliandus traditur. Qui cum eum ad remotiora duxisset , percontari ab eo cœpit , quisnam esset ? Respondit , <sup>1</sup> Christianum se esse. Quærebat etiam ab eo , an timeret ? Tum vero constantissime profitetur , numquam se fuisse tam securum , quia sciret misericordiam Domini maxime in temptationibus affuturam : <sup>2</sup> se magis dolere illi , qui Christi misericordia , utpote latrocinia exercens , esset indignus. Ingressusque Euangelicam disputationem , verbum Dei latroni prædicabat. Quid longius morer ? Latro credidit , prosecutusque Martinum viæ reddidit , orans ut pro se Dominum precaretur. Ideinque postea religiosam agens vitam visus est , ut hæc quæ supra retulimus , ab ipso audita dicantur. Igitur Martinus inde progressus , cum Mediolanum præterisset , diabolus in itinere , humana specie assumpta se ei obvium tulit , Quo tenderet , quærens ? Cumque id à Martino responsi accepisset , se quo Dominus vocaret , intendere : ait ad eum , *Quocumque ieris , vel quæcumque tentaveris , diabolus tibi adversabitur.* Tunc ei prophetica voce respondit : *Dominus mihi adjutor est , non timebo , quid faciet mihi homo.* Statimque è conspectu ejus inimicus evanuit. Itaque ut animo ac mente conceperat , matrem Gentilitatis absolvit errore , patre in malis perseverante : plures tamen suo salvavit exemplo. Deinde cum <sup>3</sup> hæresis Arriana per totum orbem & maxime intra Illyricum pullulasset , cum adversus perfidiam sacerdotum solus pæne acerrime pugnaret , multisque suppliciis esset affectus (nam publice virginis cæsus est , & ad extremum de civitate exire compulsus) Italiam

<sup>1</sup> Christianum se esse .] Hoc olim moris fuit omnibus Christianis , ut à Judentice , aut in summis periculis de patria & origine interrogati , unum illud responderent , Christianos se esse . Gisel.

<sup>2</sup> Se magis illi dolere .] Similem loquendi formam observavi in vita Beres-

gesi Abbatis , c.v. his verbis , dolere se illi , quippe quem videret diabolo subditum , &c. loquitur de Pipino. Adseratur ea vita descripta manu in bibliotheca S. Trudonis.

<sup>3</sup> Hæresis Arriana per totum orbem .] Supra x. Hist. perturbato orbe terrarum.

x Hilarii,

liam repetens , cum intra Gallias quoque discessu sancti Hilarii , quem ad exsilium hæreticorum vis coegerat , turbata in ecclesiam comperisset , Mediolani sibi <sup>3</sup> Monasterium statuit . Ibi quoque eum <sup>3</sup> Auxentius , auctor & princeps Arrianorum , gravissime infectatus est : multisque affectum injuriis , de civitate exturbavit . Cedendum itaque tempori arbitratus , <sup>4</sup> ad insulam Gallinariam nomine secessit : comite quodam presbytero , magnarum virtutum viro . Hic aliquamdiu radicibus vixit herbarum : quo tempore Elleborum , venenatum , ut ferunt , gramen , in cibum sumpsit . Sed cum vim veneni in se grassantis vicina jam morte sensisset , imminens periculum oratione repulit , statimque omnis dolor fugatus est . Nec multo post cum sancto Hilario comperisset regis pœnitentia potestatem indultam fuisse redeundi , Romæ ei tentavit occurrere , profectusque ad urbem est .

## V. Cum

<sup>1</sup> Hilarii , quem ad exsilium hæreticorum vis coegerat . ] Supra : Hilarius Piatorum Episcopus , datur exilio . Vide ad eum locum notas .

<sup>2</sup> Mediolani sibi Monasterium statuit . ] Origo Monasteriorum ex persecutionibus fuit . Quas dum fugere conantur vires Sancti & innocentes , ad solitudines se repperunt , vel extra urbes , ubi eremii , vel in urbibus , ubi monasteria . Sic Martinus monasterium soli sibi struit Mediolani . Quod cretus dici non potest , nec monasterium hodierno sensu , ubi plures cohabitant . Horn .

<sup>3</sup> Auxentius . ] Eis Mediolanov ελεύθερον οικονομίαν ταπεινότερον επιστρέψας θεοφόρον αὐτοῦ αὐτοῖς πάτερας επιστόποτας , εδει αὐτοῖς ιγνώσκοντας την πίστιν . εν γενετικής απελθόντας . Sozomen . III . 13 .

<sup>4</sup> Ad insulam Gallinariam nomine secessit . ] Καὶ ἐπὶ πνευματικοῦ βούτην δρκόβρυον , νησὸν μητρὸν την

Γαλλινάσα καλεῖσθαι . Μηροὶ ἐάντης ἡ ἀνοικῆσθαι εὐ τῷ τυρρηνικῷ πελάγῃ κειμένη . Sozom . III . 13 . & Niceph . IX . 19 .

<sup>5</sup> Elleborum , venenatum , ut ferunt . ] Non quidem toto substantia genere ut sunt omnia δηλητήσαντα , sed quia natura alendae minus idonea : qualia καθαρητικά omnia : quibus si quis abutatur , meta fiunt venena . Giselin .

<sup>6</sup> Hilario comperisset regis pœnitentia . ] Severus secundo libro Sacrae historiæ sibi ipsi est interpres , cum ait , Hilarius quasi discordia seminarium & perturbatorem Orientis redire ad Gallias iussum esse , absque exsiliī indulgentia , id est , non remitto tamen ei exsilio , ita ut ei , unde exsulandum erat , ibi eum tum exsuli degendum esset . Pœnitiebat videlicet impium Imp . eo relegatum fuisse Hilarium , ubi suis Arrianis multo plus mali & damni daret , quam in ipsa Gallia fuerat datus . Ratio ex ipsa historia petenda , quam Severo nemo accuratius descripsit . Giselinus .

<sup>7</sup> Monasterio

V. Cum jam Hilarius præterisset, ita eum est vestigiis prosecutus: cumque ab eo gratissime fuisset suscep<sup>t</sup>us, haud longe sibi ab opido<sup>1</sup> monasterium collocavit. Quo tempore se ei quidam catechumenus junxit, cupiens sanctissimi viri institui disciplinis: paucisque interpositis diebus languore correptus, vi febrium laborabat. Ac tum Martinus forte discesserat: & cum per triduum defuisset, regressus corpus exanime invenit: ita subita mors fuerat, ut<sup>2</sup> absque baptisme humanis rebus excederet, corpus in medio positum tristi mœrentium fratrum frequentabatur officio, cum Martinus flens & ejulans accurrit. Tum vero sanctum spiritum tota mente concipiens, egredi cellulam, in qua corpus jacebat, cæteros jubet: ac foribus obseratis, super exanimata defuncti fratri membra posternitur: & cum aliquamdiu orationi incubuisse<sup>t</sup>, sensissetque per spiritum Domini adesse virtutem, erectus paullulum, & in defuncti ora defixus, orationis suæ ac misericordiæ Domini intrepidus exspectabat eventum: vixque duarum fere horarum spatium intercesserat: vidit defunctum paullatim membris omnibus commoveri, & laxatis in usum vindendi palpitare luminibus. Tum vero magna ad Dominum voce conversus gratias agens, cellulam clamore compleverat: quo audito, qui pro foribus astiterant, stantim

<sup>1</sup> Monasterium collocavit.] Ligugiacum id posteri appellarent, quadraginta distans ab urbe Piclavensi stadiis, designante Greg. Turonensi. Idem.

<sup>2</sup> Absque baptisme humanis rebus excederet.] Veteres baptismum absolute necessarium asseruerunt ad salutem de adultis. Id probant loca Ambros. lib. de his qui initiantur, c. iv. & August. Tract. xiiii. in Johannem producta. Quibus adde hæc. Author de fide ad Petrum cap. iii. absque sacramento baptismatis, preter eos, qui in Ecclesia sine baptismate pro Christo sanguinem fundant, nec et-

gnum cœlorum potest quisquam accipere, nec vitam æternam. Et Author apud Augustin. de eccles. dogm. cap. lxxiv. Baptizatis tantum iter esse salutis credimus. Nullum Catechumenum, quamvis benis operibus defunctum, vitam æternam habere credimus, excepto martyrio, ubi tota baptismi sacramenta impletur. Interdum tamen de haec severitate temiserunt. Sic Ambrosius in Orat. in obitum Valentianiani junioris, alloquens sorores ejus: Hunc sua pietas abluit & voluntas. Non amisit gratiam quam posset.

tim irrunt. Mirum spectaculum, quod videbant vivere, quem mortuum reliquissent. Ita redditus vitæ, statim baptisina consecutus, plures postea vixit annos: primusque apud nos Martini virtutum vel materia vel testimonium fuit. Idem tamen referre erat solitus, se corpore exutum ad tribunal judicis ductum, deputatumque obscuris locis & vulgaribus turbis tristem excepisse sententiam: tum per duos angelos judicii suisse suggestum, <sup>1</sup> hunc esse pro quo Martinus oraret: ita per eosdem angelos se iussum reduci, & Martino redditum, vitæque pristinæ restituim. Ab hoc primo tempore beati viri nomen enituit, ut qui sanctus jam ab omnibus habebatur, potens etiam & <sup>2</sup> vere Apostolicus haberetur.

VI. Nec multo post, dum <sup>3</sup> agrum Lupicini cuiusdam honorati secundum saeculum viri praeteriret: clamore & luctu turbæ plangentis excipitur. Ad quam sollicitus cum astitisset, & quis esset hic fletus, inquireret, indicatur, unum e familia servulum laqueo sibi vitam extorsisse: quo cognito, cellulam, in qua corpus jacebat, ingreditur: exclusisque omnibus turbis, superstratus corpori, aliquantis per oravit: mox viviscente vultu, marcescentibus oculis

in

<sup>1</sup> Hunc esse pro quo Martinus oraret.] Hæc jam illo ævo superstitione invaluit, juvari viventium intercessione mortuos. Primus Tertullianus meminit, & ex traditione ortam consuetudinem fatetur, *De corona militis.* Cæteri diu dubitanter locuti sunt, Augustinus, Chrysostomus, alii. Cyprianus orthodoxus: *Quando hinc excessum est, nullus jam paenitentia locus, nullus satisfactionis effectus.* Ex hoc commento fabulosus purgatorii ignis succensus est, ad quem se pingues Mouachi calefaciunt. *Horn.*

<sup>2</sup> Vere apostolicus.] Ex hac de Martino opinione, orta diu post controversia, an sine heresi Apostolis conferri queat? Quod propugnat multis argumentis Odo Abbas Cluniacensis

peculiari tractatu, in quo Martinum Apostolis ubique comparat, & eo titulo dignissimum esse probare vult. Cæterum meræ nugæ & ludibria sunt. *Horn.*

<sup>3</sup> Agrum Lupicini cuiusdam.] Meminerunt fasti consulares cuiusdam Fl. Lupicini consulis eodem illo anno, quo Gratianus Augustus creatus. Sive autem ager hic ejusdem Lupicini fuerit, quod vero non est absimile; sive alias nobis satis fuit, adducto exemplo veram scripturam constituere, alias ab eo nomine evariantes pro falsis ducere. *Giselinus.* Sic & Paulinus & Fortunatus eum vocant. Cuspinianus Comment. in Chronicon Cassiodori, putat hunc esse Lupicinum qui Consul fuit cum Jovino sub Valentiniano Imperatore. *Juvet.*

<sup>1</sup> Sub

in ora illius defunctus erigitur: lentoque conamine enim us assurgere, deprehensa beati viri dextera, in pedes constitit atque ita cum eo usque ad vestibulum domus, turba omni inspectante, processit.

VII. <sup>1</sup> Sub idem fere tempus <sup>2</sup> ad episcopatum Turonicæ ecclesiæ petebatur: sed cum erui à monasterio suo facile non posset, <sup>3</sup> Ruricius quidam, unus è civibus, uxoris languore simulato, ad genua illius provolutus, ut egredieretur obtinuit. Ita dispositis jam in itinere civium turbis, sub quadam custodia ad civitatem usque deducitur. Mirum in modum incredibilis multitudo non solum ex illo oppido, sed etiam <sup>4</sup> ex vicinis urbibus ad suffragia ferenda convene-

rat.

<sup>1</sup> Sub idem fere tempus.] A. CCC. LXXV.  
<sup>2</sup> Non. Jul. Gregor. Turon. 11. Hist. Franc. 14. & 1. Miracul. 6. Nam cum sedisse eum dicat Gregorius Turon. annos XXVI. menses IV. dies XVII. pervenisse oportet ad A. CCC. I. ad quod usque tempus Martinum vixisse, ex Se- vero colligimus. Ac licet à Severo dis- cerepet Gregorius, dum ait VIII. anno Valentiniani Martinum fuisse electum Episcopum: præstat tamen audire Se- verum. Baron.

<sup>2</sup> Ad Episcopatum Turonicæ ecclesiæ petebatur.] De ætate B. Martini hic verbum nullum Greg. Turonensis, qui il- lum Attico & Cæsario Coiss. anno ætatis 81. episcopatus vero 26. mor- tuum scribit, indicare iisdem verbis videtur, eum 55. ætatis anno ad Episcopatum fuisse electum. Quæ omnia quam vera sint, ex auctoris nostri ver- bis expendamus. Constat ex superioribus B. Martinum tertio post bapti- smum suum anno, Hilario aliquandiu convixisse: eidemque post quintum an- num ab exilio ad *monachis* sua sedem redeunti, Romæ occurrisse, indeque cum illo ad Pictavos reverso non pro- cul ab opido sibi monasterium adi- cassé. Est autem verisimile, egissetum illum ætatis annum 27. Auctor igitur

dum res deinde gestas ordine persequi- tur, non aliis utitur transitionibus, quam, *Quo tempore: & Non multo post* item, *Sub idem fere tempus.* Amabo te, lector, num his transitionibus triginta annorum spatium videatur posse desi- gnari? Dabo nunc aliud, quod totam Gregorii rationem multo foedius tur- bet. Dialog. 2 cap. 6. ait Severus Mar- tino suum primum episcopatum datum Valentiniano seniore rerum potiunte. Fuerunt ille, ut minimum, Valenti- niani annus 4. Christi vero 367. Inde jam certo & evidenti arguento evin- cam B. Martinum eo tempore non 53. ætatis annum, sed 33. demum egisse. nam inter exauditoritatem ejus & eum quem nominavi annum, tantum 12. interjiciuntur. Gifelin.

<sup>3</sup> Ruricius quidam.] Sic optimi libri. Et Ruricum Präsidem lego apud Mar- cellinum lib. 27. Idem.

<sup>4</sup> Ex vicinis urbibus ad suffragia ferenda.] Presbyteri cum diaconis, non sine populi suffragio olim Romæ & Alexan- dria sive primum presbyterum, sive E- piscopum elegerunt & ordinarunt. Mul- ta ejus moris vestigia extant, in libro Pontificali Damasi, & in vitis Roma- norum Episcoporum, etiam quarto se- culo, sub Constantino & Constantio.

rat. Una omnium voluntas, eadem vota, eademque sententia, Martinum episcopatu esse dignissimum, felicem fore tali Ecclesiam sacerdote. Pauci tamen, & nonnulli ex Episcopis, qui ad cconstituendum antistitem fuerant evocati, impie repugnabant, dicentes : *Scilicet contemptibilem esse personam, indignum esse episcopatu, hominem vultu despicabilem, 2 veste sordidum, 3 crine deformem.* Ita à populo sententiae sanioris hæc illorum irrisa dementia est, qui illustrem virum, dum vituperare cupiunt, prædicabant. Nec vero aliud his facere licuit, quam quod populus Domino volente co-  
gebat. Inter Episcopos tamen qui affuerat, præcipue De-  
fensor

**Leo Epist. x. de ordinationibus Episcoporum :** Teneatur subscriptio clericorum, honoratorum testimonium, ordinis consensus & plebis. Hæc igitur quatuor requirebantur in electione ministri. Ordinandi etiam coram Ecclesia prædicari soliti. Lampridius in Alexandro Severe : *Dicebatque grave esse, cum id Christiani & Judæi facerent in predicandis suis sacerdotibus qui ordinandi sunt, non fieri in provinciarum rectoribus.* Quid autem sit prædicare, ostendunt paulo antecedentia ; *Nomina eorum proponebat hortans populum, ut si quis quid haberet criminis, probaret manifestis rebus.* Salmasius.

**1 Ex Episcopis, qui ad constituendum antistitem fuerant evocati.**] Cum Episcopus esset eligendus aut presbyter aliquis, omnes presbyteri qui paroecias suas singuli curabant, ad matricem illam Ecclesiam & principalem, relictis titulis suis solebant convenire, ut electioni & ordinationi clericorum interessent ac subscriberent. Salmasius.

**2 Veste sordidum.**] Qua utebantur Ascetae Hieron. Epist. iv. ad Rusticum : *Sordidae vestes candidæ mentis indicia sunt. Vilis tunica contumum sculi probet.* Monachi olim, ut Cynici, sordes affectarunt. Nam quam semel tunicam induissent, nunquam exuebant priusquam

penitus tota usu detrita & scissa esset, ac de altera habenda cogitandum foret. Hieronymus in vita Hilarionis : *Sacrum quo semel fuerat induitus nunquam levans, & superfluum esse dicens munditias in cilicio querere, nec alteram tunicam mutavit. nisi prior penitus scissa esset. Quantum sordium putamus contraxisse tam tunicam ? Rutilius Gallus in Itinerario illuviem & squalorem Monachorum non semel exagitat. De Capraria :*

*Squalet lucifugis, insula tota viris.  
Hi se Grajo Monachos cognomine dicunt.*

Et alio loco de Solitario :

*Infelix putat illuvie cœlestia pasci.*  
Salmasius.

**3 Crine deformem.**] Qui, ut moris squalentibus, impexus, rigidus, incompositus. Alias tondebant Monachi & clericci, solo capillorum circulo circa aures relicto. Concil. Tolet. iv. c. 40. Isidor. de Offic. Eccles. ii. 4. Non ergo tum radebant. Hieronymus in Ezechielis cap. 44. *Discimus hic nec calvitiem novacula esse faciendam, nec ita adpressum tondendum caput, ut rasorum similes esse videamur, sed in tantum capillos dimittendos ut opera sit cutis.* Idem Clement. iii. Pædag. cap. xi. Optatus ii. contra Parm.

**1 Psal-**

fensor quidam nomine, dicitur restitisse: unde animadversum est, graviter illum lectio[n]e proph[et]ica tunc notatum. Nam cum fortuito lector, cui legendi eo die officium erat, interclusus à populo defuisset, turbatis ministris, dum exspectatur qui non aderat, unus è circumstantibus sumpto psalterio, quem primum versum invenit, arripuit. Psalmus autem erat: *Ex ore infantium & lactentium perfecisti laudem propter inimicos tuos, ut destruas inimicum & defensorem.* Quo lecto clamor populi tollitur, pars diversa confunditur. Atque ita habitum est, divino nutu psalmum hunc lectum fuisse, ut testimonium operis sui Defensor audiret, quia ex ore infantium atque lactentium in Martino Domini laude perfecta, & ostensus pariter & destructus est inimicus. Jam vero sumpto episcopatu, qualem se quantumque praestiterit, non est nostræ facultatis evolvere. Idein enim constantissime perseverabat, qui prius fuerat. Eadem in corde ejus humilitas, eadem in vestitu ejus vilitas erat: atque ita plenus auctoritatis & gratiæ, implebat episcopi dignitatem, ut non tamen propositum monachi, virtutemque desereret. Aliquamdiu ergo adhærente ad Ecclesiam cellula usus est: deinde cum inquietudinem frequentantium ferre non posset, duobus fere extra civitatem milibus

mona-

<sup>1</sup> Psalterio.] Cujus usus tum in Ecclesia & Monasteriis invaluit.

<sup>2</sup> Pars diversa.] Sic Giselinus correxit, putans vocem, adversa, subditiam esse & merum redolere Scholion. At locus Paulini lib. II.

*Adversæ penitus revomens molimina partis,*  
innuit Latine dici, partem adversam. Sic & Symmachus & Sidonius loquuntur. *Jureus.*

<sup>3</sup> Eadem in vestitu ejus vilitas erat.] Nondum ergo illa vestimentorum varietas in Ecclesia invaluerat. Primit temporibus communi vestimento induit Missas agebant, sicut & haecenus qui-

dam Orientalium facere perhibentur. Walefridus Strabo de Reb. Eccles. cap. xxiv.

<sup>4</sup> Adhærente ad Ecclesiam cellula.] Ecclesiam pro templo ponit, more seculi sui. De quo supra ad lib. II. Isidorus Peleusiota distinguit apposite inter ἐκκλησιαστὴρον & ἐκκλησίαν, & quam vocat ἀθρευτόν τοις ἀγίοις τὸ εἰ οὐρανὸς πίστεως καὶ πολιτείας δόξης συγκεκριμένον. Addit: ἀλλο ἐστιν ἐκκλησιαστὴρον, οὐ μὲν εἰδίαιμεν ψυχῶν σωμάτης, τοῦτο διπλό λίθων καὶ ξύλων σιγδομέναται. Vide Spanhem. III. Dub. Evangel. LXXVII.

monasterium sibi statuit. Qui locus tam secretus & remotus erat, ut eremi solitudinem non desideraret. Ex uno enim latere, præcisa montis excelsa rupe ambiebatur: reliquam planiciem Liger fluvius reducto paullulum sinu clauerat: una tantum eademque arcta admodum via adiri poterat: ipse ex lignis contextam cellulam habebat. Multi quidem è fratribus in eundem modum, plerique saxo superjecti montis cavato, receptacula sibi fecerant. Discipuli vero octoginta erant, qui ad exemplum beati magistri instituebantur. Nemo ibi quidquam proprium habebat: omnia in medio conferebantur. Non emere, aut vendere (ut plerisque monachis moris est) quidquam licebat. Ars ibi, exceptis scriptoribus, nulla habebatur: cui tamen operi minor ætas deputabatur: majores orationi vacabant. Rarus cuiquam extra cellulam fuit egressus, nisi cum ad locum orationis conveniebant. Cibum una omnes post horam jejunii accipiebant. Vinum nemo noverat, nisi quem infirmitas coëgisset. Plerique, <sup>3</sup> camelorum setis vestiebantur. Mollior ibi habitus pro crimine erat. Quod eo magis sit mirum necesse est, quod multi inter eos <sup>4</sup> nobiles habebantur, qui longe aliter educati, ad hanc se humilitatem

<sup>1</sup> Monasterium sibi statuit. Id si bene memini, posteri Maius monast. dixerunt, in quo & Basilicam B. Petro & Paullo dedicavit. Gregor. Turonensis lib. 10. Gisclinus. Monasteria veterum ut plurimum fuerunt Scholæ publicæ. Chrysoft. 111. contra Vituperat. vita Monastice. Idem ex sequentibus Severi verbis appetet. Dicit enim in monasterio Martini octoginta discipulos fuisse. Erant autem laici, non clerici, nedum diaconi vel presbyteri. Hieron. ad Heliodor. alia Monachorum est causa, alia Clericorum. Clerici pascunt oves, ego pascor. Concil. Chalced. cap. iv. provisum ne Monachis Ecclesiasticis negotiis immisceant.

<sup>2</sup> Ad locum orationis,] Et receptacula

& magistrorum quæ in territorio erant, cui præter Episcopos, cum suis presbyteris ei subjacebant. Nam & uigiles & monasteria habuere presbyteros prapositos, qui monachis sacramentum eucharistiae administrabant, & synaxis tenebant. Salmasius.

<sup>3</sup> Camelorum setis.] Paulinus 11. Multis vestis erat setis contexta Cameli. Vide ejus Epistolam ad Severum: & epistola 7. ad eundem: conservi compallidi nostri, non vestibus pictis superbi, sed horrentibus cilicibus humiles.

<sup>4</sup> Nobiles.] Vide infra cap. 24. Paul. Nam multos illic prisco de sanguine clares

Traxerat ad talen prudens sententia vi-

tam.

I. Velut

& patientiam coegerant; pluresque ex his postea episcopos vidimus. Quae enim esset civitas, aut Ecclesia, quae non se de Martini monasterio cuperet habere sacerdotes?

VIII. Sed ut reliquias virtutes ejus, quas in Episcopatu egit, aggrediar, erat haud longe ab opido proximus monasterii locus, quem falsa hominum opinio, velut conseptis ibi martyribus sacraverat. Nam & altare ibi à superioribus Episcopis constitutum habebatur. Sed Martinus non temere adhibens incertis fidem, ab his qui majores natuerant presbyteris, vel clericis, flagitabat sibi nomen martyris, vel tempora passionis ostendi: grandi se scrupulo permoveri, quod nihil certi constans sibi majorum memoria tradidisset. Cum aliquamdiu ergo à loco illo se abstinuisset, nec derogans religioni, quia incertus erat: nec auctoritatem suam vulgo accommodans, ne superstitione convalesceret: quodam die paucis secum adhibitis fratribus, ad locum pergit. Deinde super sepulcrum ipsum astant, oravit ad Dominum, ut quis esset, vel cuius meriti sepultus, ostenderet. Tum conversus ad lèvam, yudit pro-

pe assi-

<sup>1</sup> *Velut conseptis ibi martyribus sacraverat.*] Martyria, id est, loca & monumenta sacra Sanctis Martyribus & Confessoribus erecta. Ammian. **xxii.** Cineres projecti in mare, id metuens, ut clamabat, ne collectis supremis, ades sis exstruerentur ut reliquis, qui deviare à religione compulsi, pertulere cruciabiles penas, adusque gloriosam mortem intemeraata fide progressi, & nine martyres appellantur. Augustinus **xxxii.** Civ. Dei **10.** Nos Martyribus nostris non templa sicut diis, sed memorias, sicut hominibus mortuis, fabricamus. Neque ibi erigimus altaria in quibus sacrificemus martyribus, sed unum sacrificium immolamus. Eorum reliquias sub altari ponebant, Ambro. **x.** epist. **85.** sub finem. Durand. in Rationali, Prudent. **xi.** *et sequebatur* de Eulalia.

*Offibus altar & impositum.*  
Cyrillus Eremita in Vita Euthymii: *Copus beatis Viri transfert ad eadem quam reverenter fuerat fabricatus, & in sacro depositum loculo, ut nunquam possit amplius aperiri.*

<sup>2</sup> *Nec derogans religioni.*] Gregorius Thaumaturgus, gentilium ferias in festa Sanctorum Martyrum mutavit, sicut Gregorius Nyssenus in vita ejus testatur. Theodoreetus de Euangelicae veritatis cognitione lib. **viii.** Pro Pandiis, & Diaisi & Dionysii, hoc est Jovis Liberiique patris solemnitatibus, Petro, Paulo, Thomae, Sergio, Marcello, Leontio, Antonino, Mauricio, aliisque sanctis martyribus, solemnitates, populari epulo, peraguntur. Hæc enim consuetudo fuit ut ad memorias martyrum epulas facerent.

pe assistere, umbram sordidam, trucem. Imperat, nomen meritumque ut loqueretur. Nomen edicit, de criminis confitetur, *latronem se fuisse, ob scelera percutsum, vulgi errore celebratum, sibi nihil cum Martyribus esse commune; cum illos gloria, se pœna retineret.* Mirum in modum vocem loquentis, qui aderant, audiebant, personam tamen non videbant. Tum Martinus, quid vidisset, exposuit: jussitque ex eolo-  
co altare, quod ibi fuerat, submoveri: utque ita populum superstitionis illius absolvit errore.

IX. Accidit autem in sequenti tempore, dum iter agebat, ut Gentilis cuiusdam corpus, quod ad sepulcrum cum superstitione funere deferebatur, obvium haberet: conspicatusque eminus venientium turbam, quidnam id esset ignarus paullulum stetit: nam fere quingentorum passuum intervallum erat, ut difficile fuerit dignoscere quid videret. Tamen quia rusticam manum cerneret, & agente vento linteamina corpori superjecta volitarent, profanos sacrificiorum ritus agi credidit; quia esset hæc Gallorum rusticis consuetudo, <sup>1</sup> simulacra dæmonum candido tecta velamine, misera per agros suos circumferre dementia. Elevato ergo in adverso signo crucis, imperat turbæ, non moveri loco, onusque deponere. Hic vero mirum in modum videres miseros primum velut saxa riguisse. Dein, cum promovere se summo conamine niterentur, ultra accedere non valentes, ridiculam in vertigine in rotabantur: donec vieti pondere, corporis onus deponunt: attoniti & semet invicem aspectantes, quidnam sibi accidisset, taciti cogitabant. Sed beatus vir cum comperisset, exsequiarum esse illam frequentiam, non sacrorum, <sup>2</sup> elevata rursum ma-

<sup>1</sup> *Simulacra dæmonum candido tecta velamine, misera per agros suos circumferre dementia.*] Hæc gentilium ambarvalia fuerunt. Candidus color in sacris usitatus, velut puritas indicina. Unde

& Arabibus Apostoli dicuntur, quasi, *Viri albis uestibus indui.* Ita enim vocem eam Retinenfis in versione Alcorani explicat. Seldenus.

<sup>2</sup> *Elevata rursum manu.*] Pro quo Paulinus

nu, dat eis abeundi & tollendi corporis potestatem. Ita eos & cum voluit, stare compulit: & cum libuit, abire permisit.

X. Item, dum in vico quodam templum antiquissimum diruisset, & arborem pinum, quæ fano erat proxima, esset aggressus excidere, tum vero antistes loci illius, cæteraque gentilium turba cœpit obsistere: & cum iidem illi dum templum evertitur, imperante Domino quievissent, succidi arborem non patiebantur. Ille eos sedulo commonere, nihil esse religionis in stipite: Deum potius, cui serviret ipse, sequerentur. Arborem illam excidi oportere, quia esset dæmoni dedicata. Tum ex illis unus, qui erat audacior cæteris: *Si habes, inquit, aliquam de Deo tuo, quem dicis te colere, fiduciam, nos met ipsi succidemus hanc arborem, tu ruentem excipe: & si tecum est tuus, ut dicis, Dominus, evades.* Tum ille intrepide confisus in Domino, facturum se pollicetur. Hic vero ad istiusmodi conditionem, omnis illa Gentilium turba consentit: facilemque arboris suæ habuere jacturam, si inimicum sacrorum suorum casu illius obruisset. Itaque cum unam in partem pinus illa esset<sup>2</sup> acclinis, ut non esset dubium quam in partem succisa corrueret, eo loco vincetus statuitur pro arbitrio rusticorum, quo arborem esse casuram nemo dubitabat. Succidere igitur ipsi suam pinum cum ingenti gaudio lætitiaque cœperunt. Aderat eminus turba mirantium. Jamque paulatim nutare pinus, & ruinam suam casura minitari. Pallebant eminus monachi, & periculo jam propiore conterriti, spem omnem fidemque perdi-

Paulinus dixit, signo crucis. Fortunatus I. 12.

*Jus sit abire procul digitis crucis arma repingens.*

Hieron. in Epitaph. Pauli ad Eustorgium: *digitumque ad os tenens, crucis signum pingebat in labiis.* In vita Hilario-nis: *Cum tria crucis signa pinxit in sa-bulo. Crebro sic loquitur Sulpicius de cruce: elevata in adverso signo crucis, &*

*elevata obviam manu signum salutis oppo-nit. Quia cruces ejusmodi manu elata, fronti, vel ori impressa, gliscente pau-latim superstitione.*

*1 Diruisset.] Paulinus & Fortunatus incensum volunt.*

*2 Acclinis.] Fortunatus: *Pau-latim inclinans jam vipla secure ruerat. Gise-linus.**

perdiderant, solam Martini mortem exspectantes. At ille confusus in Domino, intrepidus opperiens, cum jam fragorem sui pinus concidens edidisset, jam cadenti, iam super se ruenti, elevata manu,<sup>1</sup> signum salutis opponit. Tum vero turbinis modo (retroactum putares) diversam in partem ruit adeo, ut rusticos qui tuto loco steterant, pene prostraverit. Tum vero in coelum clamore sublato, gentiles stupere miraculo, monachi flere præ gaudio, Christi nomen in commune ab omnibus prædicari; satisque constitit, eo die salutem illi venisse regioni. Nam nemo fere ex immanni illa multitudine gentilium fuit,<sup>2</sup> qui non impositione manus desiderata, Dominum Jesum, relicto impietatis errore, crediderit. Et vere ante Martinum pauci admodum, imo pene nulli in illis regionibus Christi nomen receperant; quod adeo virtutibus illius, exemploque convaluit, ut jam ibi nullus locus sit, qui non aut ecclesiis frequentissimis, aut monasteriis sit repletus. Nam ubi fana destruxerat, statim ibi<sup>3</sup> aut ecclesiás, aut monasteria construebat.

XI. Nec minorem sub idem fere tempus eodem in

*opusculo* operé  
1. Signum salutis opponit.] Sic Paulinus & Fortunatus. Hieron. in Hilar. Christi erucem signavit in fronte, talique armatus caside, & lorica fidei circumdatus, fortius prelibabatur. Idem in Paulo Heremita: Salutaris signi impressione armat frontem.

2. Qui non impositione manus desiderata.] Sic in infra, cunctos impositiona universis manus, catechumenos fecit. Dialogo xi. 5. Manus impositione non baptizatis tantum, quod confirmatione dicebatur, sed etiam Catechumenis, qui nomen suum Christo dabant. Concilium Eliberitanum: Gentiles, si in infirmitate desideraverint sibi manus imponi, si fuerit eorum ex aliqua parte vita honesta, placuit eius manus imponi, & fieri Christianos. Concilium i. Aretalense, Canone vi. De his qui in infirmitate credere volunt, placuit debere eis manus imponi. Quod non

est accipendum de confirmatione. Non enim confirmabantur priusquam baptizati essent. Prima impositione manus dicebantur Christiani, ante baptismum: ultima qua perficiebantur post baptismum, fideles ac justi. Unde & pallium in verutis conciliis, fidelis idem est qui baptismum accepit. Hinc in Canone i. ix. Concilii Eliberini, Christianus & fidelis ita distinguuntur. Christianus est Catechumenus, qui ad fidem accedens, manum impositione prima meruit fieri Christianus: Fidelis qui integrum suum baptismum acceperat; hoc est, qui manum impositione ultima perfectus fuerat. *Salm.*

3. Aut ecclesiis frequentissimis, aut monasteriis.] Nominat Gregor. Turonen: ecclesiás in vicino Alingaviensi, Solonaeensi, Cisomageni, Tornomageni, Condatisi, lib. 10. Histor. Gislin.

I. Cui

opere virtutem edidit. Nam cum in vico quodam, fano antiquissimo & celeberrimo ignem immisisset, in proximam, immo adhærentem domum agente vento, flammorum globi ferebantur. Quod ubi Martinus advertit, rapido cursu tectum domus scandit, obvium se advenientibus flammis inferens, tum vero mirum in modum cerneres contra vim venti ignem retorqueri, ut compungantium inter se elementorum quidam conflictus videatur. Ita virtute Martini ibi tantum ignis est operatus, ubi iussus est.

XII. In vico autem, <sup>1</sup>cui Leprosum nomen est, cum idem templum opulentissimum superstitione religionis voluisse evertere, restitit ei multitudo Gentilium, adeo ut non absque injuria sit repulsus. Itaque secessit ad proxima loca, ibique per triduum cilicio tectus & cinere, jejunans semper atque orans, precabatur à Domino; ut quia tempulum illud evertere humana manu non potuisset, virtus illud divina dirueret. Tum subito ei duo Angeli hastati atque scutati instar militiae cœlestis se obtulerunt, dicentes, missos se à Domino, ut rusticam multitudinem fugarent, præsidiumque Martino ferrent, ne quis, dum tempulum dirueretur, obsisteret. Rediret ergo, & opus cœptum devotus impleret. Ita regressus ad vicum, inspectantibus Gentilium turbis, & quiescentibus, dum profanam ædem usque ad fundamentum dirueret, aras omnes atque simulacra redegit in pulvere. Quo viso, rustici cum se intelligerent divino nutu obstupefactos atque perterritos, ne Episcopo repugnarent, omnes fere in Jesum Dominum crediderunt, clamantes palam, & confitentes Deum Martini colendum, idola negligenda, quæ sibi adesse non possent.

### XIII. Quid

<sup>1</sup> Cui Leprosum nomen est. ] In quadam | broso nomen est. In alio quodam v. c.  
vetusta editione Severi reperi: Cui Li- | Librasso. Juret.

XIII. Quid etiam in pago<sup>1</sup> Aeduorum gestum sit, referam. Ubi dum templum itidem everteret, furens Gentilium rusticorum in eum irruit multitudo. Cumque unus audacior cæteris, stricto eum gladio peteret, rejecto pallio nudam cervicem percussori præbuit. Nec cunctatus ferire Gentilis; sed cum dexteram altius extulisset, resupinus ruit; consternatusque divino metu, veniam precabatur.

XIV. Nec dissimile huic fuit illud, cum eum idola destruentem cultro quidam ferire voluisset, in ipso ictu ferrum ei de manibus excussum, non comparuit. Plerumque autem contradictibus sibi rusticis, ne fana eorum destrueret, ita prædicatione sancta Gentilium animos mitigabat, ut luce eis veritatis ostensa, ipsi sua templa subverterent. Curationum vero tam potens in eo gratia erat, ut nullus fere ad eum ægrotus accesserit, qui non continuo receperit sanitatem; quod vel ex consequenti lucabit exemplo.

XV. Treveris puella quædam dira paralysis ægritudine tenebatur, ita ut jam per multum tempus nullo ad humanos usus corporis officio fungeretur, omni ex parte præmortua, vix tenui spiritu palpitabat. Tristes ad solam funeris exspectationem adsistebant propinqui: cum subito nuntiatur ad civitatem illam venisse Martinum. Quod ubi patet puellæ comperit, excurrit, exanimi pro filia rogaturus. Et forte Martinus jam Ecclesiam fuerat ingressus. Ibi inspectante populo, multisque aliis Episcopis præsentibus, ejulans senex,<sup>2</sup> genua ejus amplectitur, dicens, *Filiæ meæ moritur misero genere languoris, & quod ipsa est morte crudelius, solo spiritu vivit, jam carne præmortua. Rogo ut eam ad*

eas,

<sup>1</sup> Aeduorum.] Lib. Trud. Aeduorum. quod addo, ut ejus libri auctoritate hanc antiquissimam scribendi formam confirmem. Giselin.

<sup>2</sup> Genua ejus amplectitur.] Quod si gnum summæ obtestationis erat. Frequens apud Poëtas, Homerum, Virgilium, alios.

<sup>1</sup> Dasi

ead, atque benedicas; confido enim quod per te reddenda sit sanitati. Qua ille voce confusus obstupuit, & refugit, dicens, hoc suæ non esse virtutis, senem errare judicio, non esse se dignum per quem Dominus signum virtutis ostenderet. Perstante vehementius flens pater, & orare ut exanimem visitaret. Postremo à circumstantibus Episcopis ire compulsus, descendit ad domum puellæ. Ingens turba pro foribus exspectabat, quidnam Dei esset facturus. Ac primum, quæ erant illius familiaria in istiusmodi rebus arma, solo prostratus oravit. Deinde ægram intuens, <sup>1</sup> dari sibi oleum postulat; quod cum benedixisset, in os puellæ vim sancti liquoris infudit, statimque vox reddita est. Tunc paullatim singula contactu ejus cœperunt membra vivificere, donec firmatis gressibus, populo teste, surrexit.

XVI. Eodem tempore <sup>2</sup> Tetradii cuiusdam proconsularis viri servus dæmonio corruptus, dolendo exitu cruciabatur. Rogatus ergo Martinus, ut ei manum imponeret, deduci eum ad se jubet; sed nequam spiritus nullo proferri modo ex cella in qua erat potuit. Ita in advenientes rabidis

den-

<sup>1</sup> Dari sibi oleum postulat; quod cum benedixisset, in os puellæ.] Sic infra Dial. III. 2. pusillum olei cum exorcismi prefatione benedicit, atque ita in os puellæ sanctificatum liquorem, cum & linguam illius digitis teneret, infudit. Unctio apud veteres siebat in morbo, & in iis membris, quæ maxime dolebant. Surdo mutoque oleum infusum ori & vertici capitis. *Gregorius Turon. vi. Hist. Franc. 7.* Peste laboranti brachium oleo sancto illatum. *Fortunatus in Vita S. Germani.* Victor Antiochenus ad Caput vi. Martici: Oleum quod in sancta unctione adhibetur, & Dei misericordiam & morbi sanationem, & cordis illuminationem denotat. Dici tamen potest Orationem hæc omnia efficere, oleum autem eorum omnium quæ fiunt, externum tantum symbolum esse. Extrema unctio Pontificiorum plane

discrepat ab illa veteri unctione. *Perkins.* Unctio qua Apostoli ægros curabant cum oratione, tota extraordinaria fuit. Cum ipsis hæc virtus evanuit, nec usurpanda est amplius, ubi nil efficit, nisi quis minimum agere velit. Nec deploratis ægris, aut semimortuis, ut nunc fit, conferebatur, sed omnibus, ut sanari per eam possent. Opinio etiam illa nova, qua censent periculosum esse ex hac vita migrare sine hac unctione. Hoc quoque novum quod oleum illud benedicitur, cum ex simplici oleo fieret Apostolorum ætate. *Salmas.*

<sup>2</sup> Tetradii cuiusdam proconsularis viri servus.] Hic forassè idem ille est Tetradius, ad cuius filium optimæ spei poëtam, clarorum virorum usu & frequentia florentem scribit Ausonius consul anno urbis 1131. epist. 16. *Giselin.*

<sup>1</sup> Catechis-

dentibus sæviebat. Tum Tetradius ad genua beati viri advolvitur, orans ut ad domum in qua dæmoniacus habebatur ipse descenderet. Tum vero Martinus negare, se profani & Gentilis domum adire posse. Nam Tetradius eodem tempore adhuc Gentilitatis errore implicitus tenebatur. Spondet igitur si de puerō dæmon fuisset exactus, Christianum fore. Ita Martinus imposita manu puerō, immundum ab eo spiritum ejecit. Quo viso, Tetradius Dominum Jesum credidit: statimque <sup>1</sup> catechumenus factus, nec multo post baptizatus est, semperque Martinum salutis suæ auctorem miro coluit affectu.

XVII. Per idem tempus in eodem opido ingressus patrisfamilias cuiusdam domum, in limine ipso relictis, dicens: *Horribile in atrio domus dæmonium se videre.* Cui cum, ut discederet, imperaret, <sup>2</sup> quendam è familia, qui in interior parte

<sup>1</sup> Catechumenus factus, nec multo post baptizatus est. ] Vide Notas ad cap. II. Ritus quidam in baptismō obtinuerunt olim, qui nunc ab omnibus omittruntur. Hujus generis sunt osculari baptizandum. *Cyprian.* II. ep. 8. usus lac̄tis & mellis. *Tertull.* I. contra Marc. lat̄is & viñi. *Hieron.* in *Ezai.* cap. IV. ablutio pedum. *Cyprianus* de unctione Chrismatis. Administrabatur autem extra Ecclesiā, in fontibus & fluminibus. Walafridus Strabo de rebus Eccles. XXVI. Scindū autem primo simpliciter in fluvī vel fontib⁹, baptizatos credentes. Deinde baptisteria instituta, sed extra Ecclesiā. Paulin. Epist. XII. ad Severum: *Tu vero etiam baptisterium, basilicis duabus interpositum, condidisti.* Tandem in parochialibus Ecclesiis constituta. De *Conserat.* dist. IV. c. 160. *Perkins* βάπτειν, à quo βαπτιζεῖν immersionē significat, non adspersionem. Nec aliter veteres, quam meritione vel unica, vel trina, baptizabant. Græca Ecclesia etiam hodie baptizandos mergit. Tempore Hieron. omnes

Ecclesiæ hunc morem observabant in baptismo, ut ter caput sub aqua mergent. *Adversus Lucifer.* Erat igitur tria γέραδον immersio, & tria ἀνύσθισ, emersio. *Cyrill.* Hierosol. in Catechesi. Nec invocatio Trinitatis super baptizatum Apostolici instituti & moris est, cum Apostoli in solo nomine Iesu baptizarent. Soli clinici, quod decumberent, baptizati sunt eo quo poterant modo, non lavacro integro, ut hi qui caput sub aqua mergunt, sed toto corpore aqua perfuso. *Cyprianus* IV. Epist. 7. Sic Novatus Baptismum accepit ἀγέρ, οὐχι υθεῖς non βαπτίζεις. Euseb. VI. Histor. 43. *Salmasi.* In veteri Ecclesia baptismum & chrisma statim sequebatur οἰκουλία, quam eriam infantibus, ut reliquis νεοφυῖσι δabant. *Cassubon.*

<sup>2</sup> Quendam è familia. ] Paulinus & Fortunatus Cocum fuisse referunt. Unde & Juretus ex vetusto codice suo, qui habet, *Coquum partis familias*, qui emendandum ita Sulpiciū censet.

I. Egellus

re parte ædium morabatur, arripuit; sævire dentibus miser cœpit, & obvios quoscunque laniare. Commota domus, familia turbata, populus in ugam versus. Martinus se furenti objecit, ac primum itare ei imperat. Sed cum dentibus fremeret, hiantique ore morsum minaretur, digitos ei Martinus in os intulit; *Si habes, inquit, aliquid potestatis, hos devora.* Tum vero, ac si candens ferrum faucibus acceptisset, longe reductis dentibus digitos beati viri vitabat attingere; & cum fugere de obfesso corpore pœnis & cruciatus cogeretur, nec tamen exire ei per os liceret, fœda relinquens vestigia, fluxu ventris <sup>1</sup> egestus est.

XVIII. Interea cum de motu atque impetu barbarorum subita civitate in fama turbasset, dæmoniacum ad se exhiberi jubet, imperat, ut an verus esset hic nuntius, fateretur. Tunc confessus est; <sup>2</sup> *sedecim dæmones fuisse, qui rumorem hunc per populum disseminassent, ut hoc saltem metu ex illo Martinus opido fugaretur: barbaros nihil minus quam irruptionem cogitare.* Ita cum hæc immundus spiritus media in Ecclesia fateretur, metu & turbatione præsenti civitas liberata est.

XIX. Apud Parisios vero, dum portam civitatis illius magnis secum turbis euntibus introiret, leprosum misericordi facie horrentibus cunctis osculatus est, atque benedixit, statimque omni malo emundatus est. Postero die ad Ecclesiam veniens nitenti cute, gratias pro sanitate, quam receperat, agebat. Sed nec hoc prætereundum est, quod fimbriæ vestimenti ejus, cilicioque detractæ, crebras super infirmantibus egere virtutes. Nam aut digitis illigatae, aut collo inditæ persæpe ab ægrotantibus morbos effugaverunt.

XX.<sup>3</sup> Arborius autem, vir prælectorius, sancti adinodum

& fi-

<sup>1</sup> *Egestus est.]* Paulinus: *Egestus fluxu.* Fortunatus: *Sordibus egreditur.*

<sup>2</sup> *Sedecim dæmones fuisse, qui rumorem hunc per populum disseminassent.]* Quozum est falsos rumores spargere. Minu-

cies in Octavio: *Sic est negotium dæmonum; ab ipsis enim falsus rumor scribitur & foretur.*

<sup>3</sup> *Arborius autem, vir prælectorius.]* Idem Dial. 5.14. ex præfecto appellatur.

<sup>1</sup> *Habitu*

& fidelis ingenii, cum filia ejus gravissimis quartanæ febribus ureretur, epistolam Martini, quæ casu ad eum delata fuerat, pectori puellæ in ipso accessu ardoris inferuit, statimque fugata febris est. Quæ res apud Arborium in tantum valuit, ut statim puellam Deo voverit, & perpetuæ virginitati dicarit; profectusque ad Martinum, puellam ei, præfens virtutum ejus testimonium, quæ per absentem licet curata esset, obtulit: neque ab alio eam, quam à Martino, <sup>1</sup> habitu virginitatis imposito, passus est <sup>2</sup> confecrari.

XXI. <sup>3</sup> Paulinus vero, vir magni postmodum futurus exempli, cum oculum graviter dolere cœpisset, & jam pupillam ejus crassior nubes superducta texisset, oculum ei Martinus <sup>4</sup> peniculo contigit, pristinamque ei sanitatem <sup>5</sup> sublato omni dolore restituit.

XXII. Ipse autem cum casu quodam esset de cœnaculo devolutus, & per confragosos scalæ gradus decidens, multis vulneribus esset affectus, cum exanimis jaceret in cellula, &

<sup>1</sup> *Habitu virginitatis imposito.*] Virgines contemnentes impietatem seculi, solitarie vivebant, sine voto solemni & perpetuo, velo notæ quando egrediebantur, non è monasterio, sed è suis paternis ædibus. Eiusmodi virgines multæ fuerunt usque ad Hieronymi seculum, quæ extra monasterium, privatum & libere vovebant continentiam. Imo tales aliquando fuerunt foeminæ nobiles, quæ domi lux vivebant, & multis ancillis comitatæ procedebant. Hieron. ad Demetriad. circa A. cccc. Marcella Romæ inter primas fuit Moniales. Hieron. in Epitaphio ejus.

<sup>2</sup> *Confecrari.*] Consecrare, quo verbo utuntur in sacrorum ordinum collatione, nihil aliud est quam οἰαρεῖν, & benedicere. Alia voce, *confignare*, dicebatur. *Salmas.*

<sup>3</sup> *Paulinus vero.*] Fuit hic Paullinus, vir consularis, & in seculari etiam amicitia Severo dilectissimus, ut initio E-

pist. <sup>5</sup>. ad Severum, ipse testatur: quem Martinus Christo se suaque omnia consecrantem omnibus pietatis exemplu proponit, cap. xxvi. *Giselin.*

<sup>4</sup> *Peniculo.*] Fortunatus, qui hanc eandem Martini vitam carmine profecto non nimium fortunato descriptis, neutrius fecit mentionem: tantum adiicit:

*Martini digitis, oleo manante lucerne  
Cuncta salutifero superans collyria tactu.  
Giselin.*

<sup>5</sup> *Sublato omni dolore.*] Iterum tamen postea morbo oculorum laboravit, ut ex libro ejus primo patet, ubi roget Martinum:

— *Vultus mihi redde salutem.*

<sup>6</sup> *Contusi corporis membra contingit.*] Ita Giselinus. Sed illa verba: *membra contingere*, desunt in meo V. C. quorum loco additum reperi: *corporis superlimite dolores.* Quæ lectio elegans valde mili arridet. *Juret.*

<sup>1</sup> *Maxi.*

la, & immodecibus doloribus cruciaretur, nocte ei angelus vi-  
sus est eluere vulnera, & salubri unguine contusi corporis  
membra contingere; atque ita postero die restitutus est sa-  
nitati, ut nihil unquam pertulisse incommodi putaretur. Sed  
quia longum est ire per singula, sufficient hæc vel pauca de  
plurimis: satisque sit nos & in excellentibus non subtrahere  
veritatem, & in multis vitare fastidium.

XXIII. Atque ut minora tantis inferant (quamvis, ut  
est nostrorum ætas temporum, quibus jam depravata omnia  
atque corrupta sunt, pæne præcipuum sit, adulatio regiæ  
sacerdotalem non cessisse constantiam) cum ad Imperato-  
rem <sup>1</sup> Maximum, feroci ingenii virum, & bellorum civi-  
lium victoria elatum, plures ex diversis partibus episcopi  
convenissent, & foeda circa principem omnium adulatio  
notaretur, seque <sup>2</sup> degeneri inconstantia regiæ clientelæ  
sacerdotalis dignitas subdidisset, in solo Martino Aposto-  
lica auctoritas permanebat. Nam etsi pro aliquibus sup-  
plicandum regi fuit, <sup>3</sup> imperavit potius quam rogavit: & à  
convivio ejus frequenter rogatus abstinuit, dicens, *se men-  
sa ejus participem esse non posse, qui duos Imperatores unum re-  
gno, alterum vita expulisset.* Postremo cum Maximus se non  
sponte

<sup>1</sup> Maximum, feroci ingenii virum. ] Vi-  
de infra Dialogo II. cap. vi i. & ibid.

<sup>2</sup> Degeneri inconstantia regiæ clientelæ  
sacerdotalis dignitas subdidisset. ] Jam hoc  
ævo illa clericorum à civili magistratu  
exemptio invaluisse videtur. Hinc eam  
toties inculcat Severus, maxime in cau-  
sa Ithaciana. Quorū & hæc ejus re-  
spiciunt verba. In causis mere civilibus  
Justinianus sanxit leges, ut soli Episco-  
pi de Monachorum & Monialium cau-  
sis cognoscerent. Nov. LXXXIV. c. i. licebat  
tamen pro natura causæ, ad civiles  
quoque judices pergere. Nov. LXXXIII.  
in pref. & CXXII. c. 2 i. At in crimin-  
ilibus judicio subjecti Magistratus erant:  
¶ si pena judicaret dignum clericum,  
enīc spoliari ab Episcopo Sacerdotali digni-

tate, atque ita sub legum fieri manu decer-  
nit. Nov. LXXXIII. cap. i. & CXXII. c. 2 i.  
Sed tamen ante Justiniani tempora, in  
quibusdam Ecclesiis, Clerici à civili  
jurisdictione exempti fuerunt. Concil. Agathens. c. XXXII. Clericum nullus præsumat  
apud secularēm judicem, Episcopo non per-  
mittente, pulsare: sed si pulsatus fuerit,  
non respondeat, vel proponat, nec audeat  
criminale negotium in seculari judicio propo-  
nere. Perkinsius.

<sup>3</sup> Imperavit potius quam rogavit. ] Sie  
Dial. I. Cum nec solum comitibus, aut  
præfectis, sed ipsis etiam regibus imperaret.  
Fortunatus II.

In Imperatore Martinus & imperat ipsi.  
Paulinus:

— quasi jure jubensis.

sponte sumpsisse imperium affirmaret, sed <sup>1</sup> impositam sibi à militibus divino nutu regni necessitatem armis defendisse, & non alienam ab eo Dei voluntatem videri, penes quem tam incredibili eventu victoria fuisset, nullumque ex adversariis nisi in acie occubuisse. Tandem victus vel ratione vel precibus, ad convivium venit: mirum in modum gaudente rege, quod id impetrasset. Convivæ autem aderant veluti ad diem festum evocati, summi atque illustres viri; præfectus, idemque <sup>2</sup> consul Euodius, vir quo nihil unquam justius fuit, <sup>3</sup> comites duo summa potestate prædicti, frater regis & patruus; <sup>4</sup> medius inter hos Martini presbyter accubuerat; ipse autem sellula juxta regem posita consederat. Ad medium vero convivium (ut moris est) pateram regi minister obtulit. Ille sancto admodum episcopo potius dari jubet, exspectans atque ambiens ut ab illius dextera poculum sumeret. Sed <sup>5</sup> Martinus ubi ebit,

<sup>1</sup> *Impositam sibi à militibus divino nutu regni necessitatem.*] A. C. CCCCLXXXIV. Gratianus Imp. Catechumenus 8. Kal. Septembri occiditur. Fl. Maximus Vir Catholicus tyrannice à militibus Imperator Galliæ, Angliae & Hispaniæ salvatur. Fl. Luc. Dexter. Unam alarum ad Hispaniam, alteram ad Italiam extendit, throno imperii apud Treveros locato. Gildas Sapiens de excidio Britannia. Fuit Britannus. Socrates v. xt. Hispanus. Sozom. IV. Constantini consanguineus, vocaturque Fl. Clemens Maximus, Baron.

<sup>2</sup> *Consul Euodius, vir quo nihil unquam justius fuit.*] Supra II. Hist. circa finem: causam præfectorum Euodio permisit, viro acriter severo.

<sup>3</sup> *Comites duo summa potestate prædicti.*] Amici & comites Augusti dicebantur, qui à consiliis Augusti erant, & amici quidem, quod in interiorum familiaritatem principis admissi & in contubernium adsciti, omnibus ejusdem consiliis interessent. Comites iidem di-

cebantur, quod Augustum in omnibus processibus, ut vocabant, & expediti-  
bus bellicis comitarentur. Consiliarii etiam Augustorum dicebantur, ut in  
hac inscriptione Romæ: PROC. AD. 80.  
N.A. DAMNATORUM. PROC. AD. ALI-  
MENTA. CONSILIARIO. AUGG. Comi-  
tes igitur isti eodem & nomine & mu-  
nere usque ad posteriores imperatores  
manserunt. nam comites consistorii vel  
consistoriani, dicebantur. consistorium,  
ut notum est τὸ συνέδριον principis.  
Constantinus, ut honorarius esset titu-  
lus, effecit, & ad varias præfecturas &  
administrations & artes extendit, quas  
hoc titulo honoravit. Atque hoc Co-  
mitum origo. *Salmasius.*

<sup>4</sup> *Medius inter hos.*] Locus ille ho-  
noratissimus est. Sic apud Ovidium IV.  
Metam. *Ara Jovis media est.* inter Mer-  
curii & Palladis aram. Sallustius in Ju-  
gurtha: *Hic est dextra Adherbalem ad-  
sedet, ne medius ex tribus, quod apud Numi-  
das honori ducitur, Jugurtha foret.* Horn.  
<sup>5</sup> *Martinus ubi ebit, pateram presby-*

bit, pateram presbytero suo tradidit, nullum scilicet existimans dignorem, qui post se biberet: nec integrum sibi fore, si aut regem ipsum, aut eos qui à rege erant proximi, presbytero prætulisset. Quod factum Imperator, omnesque qui tunc aderant, ita admirati sunt, ut hoc ipsum eis in quo contempti fuerant placeret: celeberrimumque per omne palatum fuit, fecisse Martinum in regis prandio, quod in insinorum judicum conviviis episcoporum nemo fecisset. Eademque Maximo longe ante prædixit futurum, ut si ad Italiam pergeret, quo ire cupiebat, <sup>1</sup> bellum Valentiniano Imperatori inferens, sciret se primo quidem impietu futurum esse victorem, sed parvo post tempore esse periturum. Quod quidem ita vidimus. Nam primo adventu ejus <sup>2</sup> Valentinianus in fugam versus est, deinde post annum fere resumtis viribus, <sup>3</sup> captum intra Aquileiæ muros Maximum interfecit.

## XXIV. Con-

tero suo tradidit, nullum scilicet existimans dignorem, qui post se biberet.] Presbyteri & Episcopi Hieronymi avo, sola ordinatione differebant. Chrysostomus dixit: *μόνη τῇ Χριστονίᾳ εἰναέρεντες* Episcopos supra presbyteros. Theophylactus presbyteros, *μόνη τῇ Χριστονίᾳ εἰναέρεντες*, id est, inferiores esse. Quod discrimen circa Nicenum concilium invaluit. Antea enim presbyter & Episcopus iidem erant. Deinde ex novo Ecclesiæ instituto facta nominis, ordinis & munieris divisione, unus ex eodem olim ordine ac collegio, Episcopus dictus est cum majore dignitate, exterius presbyteri cum minore. Quæ forma regiminis nec Apostolica fuit, nec Apostolice ac divinæ institutionis, nec etiam Apostolicae successionis. *Salmasi*.

<sup>1</sup> Bellum Valentiniano Imperatori inferens.] Causa ejus, vel prætextus fuit illata Ambrosio injuria. Eum enim, in sanctu Justinæ matris Arianæ, Valen-

tinianus templo inclusum male tractarat. Quam occasionem arripiens Maximus, primo per literas hortatur Valentinianum, ut à persecutione piorum defiat; mox bellum eidem, quasi vindicta Ambrosii, infert. *Theodor. v. 13. 14. Socrates v. XI. Nicephor. XII. 19. 20.*

<sup>2</sup> Valentinianus in fugam versus est.] Adventu Maximi cognito, Valentinianus Mediolano in Illyricum fugit, auxilia Theodosii contra Maximum implorans. *Iudem, & Orosius.*

<sup>3</sup> Captum intra Aquileiæ muros Maximum interfecit.] Prosper Aqitanicus: *Theodosio II. & Cynegio Coss. Maximus Tyrannus à Valentiniano & Theodosio Imperat. tertio ab Aquileia lapide spoliatus indumentis regiis, sistitur & capite plectitur. Aufonius in claris urbibus de Aquileia:*

— sed magis illud  
Eminet, extremo quod te sub tempore le-  
git,  
Solvitur ex alto cui justa piacula bello.

XXIV. Constat autem etiam Angelos ab eo plerumque visos, ita ut conserto invicem apud eum sermone loquerentur: Diabolum vero tam conspicabilem & subiectum oculis habebat, ut sive se in propria substantia contineret, sive in diversas figuratas spiritualesque nequitias translisset, qualibet ab eo sub imagine videretur. Quod cum diabolus sciret se effugere non posse, conviciis eum urgebat frequenter, quia fallere non posset insidiis. Quodam autem tempore cornu bovis cruentum in manu tenens, cum ingenti fremitu cellulam ejus irruptit, cruentamque ostentans dexteram, & admisso recens scelere congaudens: *Ubi est*, inquit, *Martine virtus tua? unum de tuis modo interfeci.* Tunc ille <sup>1</sup>convocatis fratribus refert, quid diabolus indicasset: sollicitos esse præcepit per cellulas singulorum, quinam hoc casu fuissest adfectus. Neminem quidem deesse de monachis, sed unum rusticum mercede conductum, ut vehiculo ligna deferret, esse ad silvam nuntiant. Jubet Igitur aliquos ire ei obviam. Itaque haud longe à monasterio jam pæne exanimis invenitur. Extremum

*Maximus, armigeri quondam sub nomine  
lxxv.*

*Felix quæ tanti spectatrix lata trium-  
phi*

*Punisti Ausonio Rutupinum morte latro-  
nem.*

Anno CCCCLXXXVIII. vi. Kal. Septem-  
br. Sextus Flavius Maximus cum Victo-  
re filio necatur. Hoc uno maxima sal-  
tem laude dignus, quod fraudes detexit  
Heresiarchæ Priscilliani, eumque de Hi-  
spaniis expulit, reluctantemque parere  
concilio Cæsaraugustano, deinde Bur-  
degalensi, coegerit ire Treviros: ac tan-  
dem dignas de homine impuro scelerato  
toque poenas summis, licet non servato  
juris ordine, tamen convictum gladio  
animadverti jussit. *Dexter.* Eadem fe-  
re Idatius Lamacensis in Hispania Epi-  
scopus habet, cuius *Chronicon Jaco-*

*bus Sirmundus publicavit. De cæde  
Maximi sic: Æra 426. (A.C. 388.) Ma-  
ximus Tyrannus occiditur per Theodosian  
terio lapide ab Aquileia, v. Kal. Augst.  
& eodem tempore vel ipso anno, in Gallia  
per Arbogastem comitem filius Maximi,  
nomine Victor, extinctus est. Vide & O-  
rosium.*

*I Convocatis fratribus.] Paulinus sub-  
stituit, proceres. Ut alludat ad nobiles  
multos qui in Monasterio Martini fu-  
runt: de quibus supra cap. VII. Fratres  
inter se omnes Christiani, atque ita in-  
vicem se olim appellabant. Ter-  
tullian. in Apologetico: *At quanto digni  
fratres & dicuntur & habentur qui  
unum patrem Deum agnoverunt.* Inde est  
quod Episcopi antiqui quoslibet è ple-  
be fratres appellare solebant. *Salma-  
tius.**

*I Indicat*

mum tamen spiritum trahens, <sup>1</sup> indicat fratribus casum mortis & vulneris: junc̄tis scilicet bubus dum dissoluta arctius loro constringit, bovem sibi excuslo capite inter inguina cornu injecisse. Nec multo post vitam reddidit. Videlis quo judicio Domini, diabolo data fuerit hæc potestas. In Martino illud mirabile erat, quod non solum hoc quod supra retulimus, sed multa istiusmodi, quoties accidissent, longe ante prævidebat, & sibi nuntiata fratribus indicabat. Frequenter autem diabolus, dum mille nocendi artibus sanctum virum conabatur illudere, visibilem se ei formis diversissimis ingerebat. Nam interdum in Jovis personam, plerumque Mercurii, persæpe etiam se Veneris ac Minervæ transfiguratum vultibus offerebat. Adversus quem semper interritus, <sup>2</sup> signo se crucis & orationis auxilio protegebat. Audiebantur etiam plerumque convicia, quibus illum turba dæmonum protervis vocibus increpabat. Sed omnia falsa & vana cognoscens, non movebatur objectis. Testabantur etiam aliqui ex fratribus, audisse se dæmonem poteris Martinum vocibus increpantem, cur intra monasterium aliquos ex fratribus, qui olim baptismum diversis erroribus perdidissent, conversos postea recepisset, exponentem crimina singulorum: Martinum diabolo repugnantem respondisse constanter, antiqua delicta melioris vitæ conversatione purgari; & per misericordiam Domini absolvendos esse peccatis, qui pecare desinerent. Contradicente diabolo, non pertinere ad veniam criminatos, & semel lapsis nullam à Domino clementiam præstari; tunc in hanc vocem fertur exclamasse Martinus; *Si tu ipse, ô miserabilis, ab hominum insectatione desisteres, & te factorum tuorum vel hoc tempore, cum dies judicii in*

<sup>1</sup> Indicat fratribus casum mortis.] Codex Jureti: causam mortis. Quod re-

protegebat.] Sic sæpe. Vide supra cap. 9. & Epist. 1. Ubi vero auxilium crucis & orationis arma repetiisset. Nimurum superstitio illa paulatim tum invaluit.

<sup>2</sup> Signo se crucis & orationis auxilio

*in proximo est, pœniteret, ego tibi vere confusus in Domino, Christi misericordiam pollicerer.* O quam sancta de Domini pietate præsumptio! in qua, et si auctoritatem præstare non potuit, ostendit affectum. Et quia de diabolo, ejusdemque artibus sermo exortus est; non ab re videtur, licet extrinsecus, referre quod gestum est, quia & quædam in eo Martini virtutum portio est, & res digna miraculo recte memoria mandabitur, in exemplum cavendi, si quid deinceps uspiam tale contigerit.

XXV. <sup>2</sup> Clarus quidam nomine, adolescens nobilissimus, mox <sup>3</sup> presbyter, nunc felici beatus excessu, cum relictis omnibus se ad Martinum contulisset, brevi tempore ad summum fidei virtutumque omnium culmen eniuit. Itaque cum <sup>4</sup> haud longe sibi ab episcopi monasterio tabernaculum constituisse, multique apud eum fratres commorarentur, juvenis quidam ad eum Anatolius nomine, sub professione monachi omnem humilitatem atque innocentiam mentitus accessit, habitavitque aliquamdiu in commune cum cæteris. Dein procedenti tempore, angelos apud se loqui

<sup>1</sup> *Christi misericordiam pollicerer.*] Intolerabilis hic Martini error. Nec Sulpicius excusatione sua demit, sed auget. Origenes primus ejus erroris author. Diabolos enim salvandos, docuit Homil. ix. in Hierem. & 1. *ωδὶ δέχον* 6. 8. alibi contrarium afferit. Vide Dialog. 1. 3. Horn.

<sup>2</sup> *Clarus quidam.*] Hic Martino fuit carissimus discipulus, ut indicio est epistola Severi ad Aurelium, qui domino & præceptorí suo præmortuus, à Severo fratre dedicato altari, à Paullino epitaphiis tribus honestatus est: è quibus è Paullini ep. xii. illud primum est, *Nominis ut titulo sic mentis lumine Clarius,* Presbyter hoc tegitur, sed membra caduca, sepulcro. Giselin. Epistola 11. presbyterum san-

ctum Clarum, qui nuper excesserat.

<sup>3</sup> *Presbyter.*] Hoc nomen ex Judaismo recentiori, post urbis excidium, ad Christianos fluxit. בָּבֶל iis dicebantur, quos lxx. πρεσβυτέρους transtulere. Vide Cod. Theod. lib. 16. tit. 8. 1. 8. 14. Seldenus.

<sup>4</sup> *Haud longe sibi ab episcopi monasterio tabernaculum constituisse.*] In veterum Monasteriis non cohabitabant omnes Monachi, sed fere singuli, in vicino quodam tractu, cellas sibi in rupibus, vel ex alia materia, struebant. In Vita Antonii Cap. xxi. Erant in monte monasteria tanquam tabernacula. Ruffius de vitiis Monachorum Ægypti: Commanent per erenum disperse & separati cellulis. Plurima ejusmodi exempla in vitiis Patrum extant. Horn. Vide notas ad Dial. 1. cap. v.

loqui solere dicebat. Cum fidem nullus adhiberet, signis quibusdam plerosque ad credendum cohortabatur. Postremo eousque processit, ut inter se ac Deum angelos discurrere prædicaret; jamque se unum ex prophetis haberi volebat. Clarus tamen nequaquam ad credendum cogi poterat. Ille ei iram Domini & præsentes plagas, cur sancto non crederet, cōminari. Postremo in hanc vocem erupisse se fertur; *Ecce hac nocte vestem mihi candidam Dominus de cœlo dabit, qua indutus <sup>1</sup> in medio vestrum diversabor: idque vobis signum erit, me Dei esse virtutem, qui Dei ueste donatus sim.* Tum vero grandis omnium ad hanc professionem exspectatio. Itaque ad medium fere noctem fremitu insultantium commoveri omne monasterium loco visum est. Cellulam autem, in qua idem adolescens continebatur, crebris cerneret micare luminibus, fremitusque in ea discurrentium, & murmur quoddam multarum vocum audiebatur. Deinde facto silentio egreditus, unum de fratribus, Sabatum nomine ad se vocat, tunicamque ei, qua erat indutus, ostendit. Obstupefactus ille convocat cæteros. Ipse etiam Clarus accurrit; adhibitoque lumine, vestem omnes diligenter inspiciunt. Erat autem summa mollitie, candore eximio, micante purpura, nec tamen cuius esset generis aut velleris, poterat agnosci. Curiosius tamen oculis aut digitis attrectata, non aliud quam vestis videbatur. Interea Clarus fratres admonet, orationi instare, ut manifestius eis Dominus quidnam esset ostenderet. Itaque reliquum noctis <sup>2</sup> hymnis psalmisque consumitur. At ubi illuxit dies,

adpre-

<sup>1</sup> In medio vestrum diversabor.] Hac vice nihil hic & apud Marcellinum, aliosque horum æquales frequentius. Giselin.

<sup>2</sup> Hymnis psalmisque consumitur.] Paulinus docet iam tum temporis Psalmos in monasteriis decantatos fuisse:

— *Ocyus omnis  
Turba ad consuetos modulamina dulcia  
psalmos*

*Advolat & sanctis solatia querit in hymnis.*

Et lib. I.

— *cellamque replevit, (ces.  
Et sanctas cecinit concors Symphonia vo-  
Sigebertus in Chronico author est.  
Damasum Papam rogatu Hieronymi  
Psalterium in Gallicanis Ecclesiis de-  
cantari instituisse.*

Gg 4

I. Qua-

adprehensum dextera trahere ad Martinum volebat, bene conscientius, illudi illum diaboli arte non posse. Tum vero reniti ac reclamare miser cœpit, interdictumque sibi dicebat, ne se Martino ostenderet. Cumque invitum ire compellerent, inter trahentium manus vestis evanuit. Unde quis dubitet hanc etiam Martini fuisse virtutem, ut phantasiam suam diabolus, cum erat Martini oculis ingerenda, dissimulare diutius, aut tegere non posset. An in adversum est tamen eodem fere tempore fuisse in Hispaniis juvenem, qui cum sibi multis signis auctoritatem paravisset, eosque elatus est, ut se Heliam profiteretur. Quod cum plerique temere credidissent, addidit, ut se Christum esse diceret: in quo etiam adeo illusit, ut eum <sup>1</sup> quidam episcopus, nomine Rufus, ut Dominum adoraret: propter quod eum postea ab episcopatu dejectum vidimus. Plerique etiam nobis è fratribus retulerunt, eodem tempore in Oriente quandam existisse, <sup>2</sup> qui se Joannem esse jactitaret. Ex quo conjicere possumus, istiusmodi pseudo-prophetis existentibus, <sup>3</sup> Antichristi adventum imminere, qui jam in ipsis mysteriis iniquitatis operatur. Neque enim prætereundum videtur, quanta Martinum sub iisdem diebus diabolus arte tentaverit. Quodam enim die præmissa præ se, & circumiectus ipse luce purpurea, quo facilius

claris-

<sup>1</sup> Quidam episcopus, nomine Rufus, ut Dominum adoraret. ] Fl. Jul. Dexter in Chronico A. C. ccccxxxiv. *Rufus ex Charia, Episcopus in Hispania creatus, qui per aliquot annos mirifice deceptus, de gradu Pontificio ex sententia frequentis concilii dejectus.* Ad quem locum Bavarus: Rem gestam scripsit Severus in Vita Martini, capite vigesimo quinto.

<sup>2</sup> Qui se Joannem esse jactitaret. ] Ultimis his in Anglia annis, sedta quædam pestilens exorta est, eorum qui se Quarrentes vocant sive expectantes. Illi expectant Apostolum Joannem, quem adhuc vivere credunt, & brevi compa-

riturum ut Ecclesias restituat. Alii dixerunt eum jam in Suffolcia conspectum. Juxta alios vero in Transylvania adhuc hæret; & eo destinarunt literas quibus ipsum hortantur, ut maturet in Angliam venire. Ideo moris apud eos est, cum peregrinum aliquem vident, inquirendi num is Johannes Apostolus sit. *Honorius Reggius.*

<sup>3</sup> Antichristi adventum imminere, qui jam in ipsis mysteriis iniquitatis operatur. ] Supra 11. Hist. de Nerone: subsculpi sine mitendum, ut mysterium iniquitatis exerceat. Vide Dialogo 11. cap. xvi.

<sup>1</sup> Calceis

claritate adsumpti fulgoris illuderet, veste etiam regia induitus, diademat ex gemmis auroque redimitus,<sup>1</sup> calceis auro illitis, sereno ore, lœta facie, ut nihil minus quam diabolus putaretur, oranti in cellula astitit. Cumque Martinus primo aspectu ejus fuisse hebetatus,<sup>2</sup> diu multumque silentium ambo tenuerunt. Tunc prior diabolus: *Agnosce,* inquit, *Martine, quem cernis.* *Christus ego sum: descensurus ad terram, prius me manifestare tibi volui.* Ad hæc cum Martinus taceret, nec quidquam responsi referret, iterare ausus est diabolus professionis audaciam: *Martine quid dubitas credere, cum videoas?*<sup>3</sup> *Christus ego sum.* Tum ille, revelante sibi spiritu, ut intelligeret diabolum esse, non Deum; *Non se,* inquit, *Iesus Dominus purpuratum & diademat renitentem venturum esse prædictum.* *Ego Christum, nisi in eo habitu, formaque qua passus est,*<sup>4</sup> *nisi crucis stigmata proferentem, venisse non credam.* Ad hanc ille vocem statim ut sumus evanuit, &<sup>5</sup> cellulam tanto fœtore complevit, ut indubia indicia relinquenter, diabolum se fuisse. Hoc ita gestum, ut supra retulimus, ex ipsius Martini ore cognovi, ne quis forte existimet fabulosum.

XXVI. Nam cum olim audita fide ejus, vita atque virtutibus,

<sup>1</sup> *Calceis auro illitis.*] Fortunatus II. 10.

— *cui calcens illitus auro.*

Usitatum id veteribus, *Athenaeus* XI. 18. Plautus Bacchid. qui soccis habeat auro suppictum solum. Lampridius in *Hellogabalo:* que aurum vel gemmas in clementis haberent.

<sup>2</sup> *Diu multumque silentium ambo tenuerunt.*] Fortunatus:

*Mutuaque ambo diu tenuere silentia facta,*

*Mirans ille virum, dum despicit iste superbum.*

<sup>3</sup> *Christus ego sum.*] Simili fraude Diabolus apparuit Pachomio. In vita ejus: *Introivit ad eum diabolus habitu simulato-*

*& ex adverso consistens: Ave, inquit, Pachomi. Ego sum Christus, & venio ad te fidelem amicum meum.*

<sup>4</sup> *Nisi crucis stigmata proferentem.*] Quæ sibi impressa fuisse Franciscus finxit, & Monachus ille Bernensis superiori seculo, de quo Sleidanus in commentariis. Respiciunt hæc Thomæ incredulitatem. Nam etiam stigmata crucis Diabolus, fallendis hominibus, representare posset. Horn.

<sup>5</sup> *Cellulam tanto fœtore replevit.*] Dæmoni fœtorem tribuebant, ut ex multis Paulini locis patet. Hieron. in *Hilarione:* *Habebat senex hanc gratiam, ut ex odore corporum, vestiumque sciret, cui dæmoni vel cui vitio subjaceret.*

tutibus, desiderio illius æstuareinuſ, gratiam nobis ad eum videndum peregrinationem suscepimus, ſimul quia jam ardebat animus vitam illius ſcribere; partim ab ipſo, in quantum ille interrogari potuit, ſcificati ſumus; partim ab his qui interfuerant, vel ſcribebant, cognoviinus. Quo quidem tempore credi non potest, qua me humilitate, qua benignitate ſuſceperit; congratulatus plurimum, & gavisus in Domino, quod tanti eſſet habitus à nobis, quem peregrinatione ſuſcepta expetiſſemus. Miferum me (pæne non audeo conſiteri) cum me ſancto convivio ſuo<sup>1</sup> dignatus eſt adhiberi; aquam manibus noſtris ipſe obtulit, ad veſperum autem<sup>2</sup> ipſe nobis pedes abluit; nec reniti ad hoc aut contraire constantia fuit. Ita auſtoritate illius oppreſſus ſum, ut nefas putarem si non acquieviſſem. Sermo autem illius non alius apud nos fuit, quam mundi hujus ille cebras & ſæculi onera relinquenda, ut Dominum Iesum liberi expeditique ſequeremur; præſtantifſſimumque nobis præſentium temporum<sup>3</sup> iuſtris viri Paullini, cuius ſupra mentionem fecimus, exemplum ingerebat, qui ſummiſ opibus abjectis, Christum ſecutus, ſolus pæne hiſ temporibus Euangeliſa præcepta compleſſet: illum nobis ſequendum, illum clamabat imitandum; beatumque eſſe præſens ſæculum, tantæ fidei virtutisque documento, cum ſecun-

<sup>1</sup> Dignatus eſt adhiberi.] Eam loquendi formam obſervavimus loco non uno: nominatim, ubi de manna agit: Sexto tamen die, quia ſabbatho colligi non liceat, duplum præſumerent. Et Exodi 1. Nec diſſimulari eruentum imperium licebat. Giselinus.

<sup>2</sup> Ipſe nobis pedes abluit.] Pedes ablueſſe Orientalibus in uſu, qui plerumque diſcalceati incedebant. Quod ſi quis alteri eos ablueret, id ſumma humilitatis ſignum. Et hoc Christus oſtendit cum diſcipulis ſuis pedes lavaret. Hinc ritus ille in Ecclesia invaluit, adeo ut ablutione

nem pedum Cyprianus lib. de unione Chriſinatis dicat à Christo in æternum iuſtitutam. Unde Papa quotannis, & magni Reges ac Reginæ, pedes pauperum, mimico ritu, & vaniſſima ſuperſtitione, abluiunt, cum omni humilitate interna careant. Horn.

<sup>3</sup> Iuſtris viri Paullini.] Hic eft Episcopus ille Nolanus, vir imprimis ſæculo ſuo celebris & Martino charus. Ejus collum ſanavit, ſupra c. xxr. Alium nunc fuilfe ab illo Paullino, qui carmine vitam & miracula Martini ſcripſit, Baronius multis probat argumentis.

I Nm

secundum sententiam Domini, dives & possidens multa, vendendo omnia & dando pauperibus, quod erat factu impossibile, possibile fecisset exemplo. Jam vero in verbis & confabulatione ejus quanta gravitas, quanta dignitas erat ! quam alacer, quam efficax, & quam in exsolvendis scripturarum questionibus promptus & facilis ! Et quia multis ad hanc partem incredulos scio, quippe quos viderim, meipso etiam referente, non credere ; Jesum testor, spemque communem, me ex nullius unquam ore tantum scientiae, tantum ingenii, tam boni, & tam puris sermonis audisse. Quanquam in Martini virtutibus quantula est ista laudatio ? nisi quod mirum est, homini illitterato ne hanc quidem gratiam defuisse. Sed jam finem liber postulat, sermo claudendus est ; <sup>1</sup> non quod omnia quae de Martino fuerant dicenda, defecerint ; sed quia nos, ut inertes Poëtæ, extremo in opere negligentes, victi materiae mole succubimus. Nam etsi facta illius explicari verbis utcumque potuerunt ; interiorem vitam illius, & quotidianam conversationem, & animum cœlo semper intentum nulla unquam (vere profitcor) explicabit oratio, illam scilicet perseverantiam, & temperamentum in abstinentia & jejuniis, potentiam in vigiliis & orationibus ; noctesque ab eo perinde ac dies actas, nullumque vacuum ab opere Dei tempus, quo vel otio indulserit, vel negotio. Sed nec cibo aut somno quidem, nisi inquantum naturæ necessitas cogebat. Vere fatebor, non si ipse (ut ajunt) ab inferis Homerus emerget, posset exponere ; adeo omnia majora in Martino sunt, quam ut verbis concipi queant. <sup>2</sup> Nunquam hora ulla momentumque præteriit, quo non aut orationi incumbere

ret;

<sup>1</sup> Non quod omnia quae de Martino erant dicenda, defecerint. ] Epist. 1. Cum ibidem sim professus, me non omnia illius facta complexum : quia si persequi universa voluisssem, immensum volumen legentibus edidisset.

<sup>2</sup> Nunquam hora ulla momentumque præteriit, quo non aut orationi incumbere. ] Nondum eo seculo horæ Canonicae invenierunt ; sed libere observabant tempora precandi. Walafridus Strabo cap. xxv. longo post Apostolos tempore eas insli-

ret; aut si quid aliud forte agebat, nunquam animum ab oratione laxabat. Nimurum ut fabris ferrariis moris est, qui inter operandum pro quodam laboris levamine incudem suam feriunt; ita Martinus etiam dum aliud agere videretur, semper orabat. O vere beatus, in quo dolus non fuit; neminem judicans, neinimem condemnans, nulli malum pro malo reddens! Fantam quippe adversum omnes injurias patientiam adsumpserat, ut cum esset <sup>1</sup> summus sacerdos, impune etiam ab infimis clericis laederetur; nec propter id eos aut loco unquam amoverit, aut à sua quantum in ipso fuit, caritate repulerit. Nemo unquam illum vidit iratum, nemo commotum, nemo mōrente, nemo ridentem; unus idemque semper, cœlestem quodammodo latitiam vultu præferens, extra naturam hominis videbatur. Nunquam in illius ore nisi Christus, nunquam in illius corde nisi pietas, nisi pax, nisi misericordia inerat. Plerumque etiam pro eorum qui obrectatores illius videbantur, solebat flere peccatis, qui remotum & quietum venenatis linguis & vipereo ore carpebant. Et vere nonnullos experti sumus invidos virtutibus vitæque ejus, qui in illo oderant, quod in se non videbant, & quod imitari non

valebant. Cassianus, primæ officium suo tempore institutum asserit. *iii.* Institut. Cœnob. 4. Falsum est quod Baron. dicit de quatuor diurnis horis, sœpe agere Chrysostomum & Basilium. *Perkins.*

<sup>1</sup> *Summus sacerdos.* Id est Episcopus. Qui etiam Papa illis seculis dicti. Quod ex Cypriano, Hieronymo, aliis inferioris multo avii patet. Nam & Anselmus Cantuariensis Archiepiscopus ab Urbano II. vocatus est *Papa alterius orbis*, quod legitur apud Gervasium Dorotheanensem Monachum in l. *Mſ.* quem sub titulo *Imaginationis*, contra Robertum Abbatem S. Augustini, annis abhinc amplius quadringentis composuit. *Selden.* Ab initio omnes Episcopi dicti sunt Pontifices & summi sacerdo-

tes, non solus Episcopus Romanus. Ab Ecclesia Judaica hæc appellatio fluxit, ut plurima alia ritus Judæi nomina à Synagoga in Ecclesiam Christi post primum & alterum seculum migrarunt, ut *Sacerdotes*, *Levite*, *altaria*, *sacrificia*, *azyma*, temporibus Apostolicis plane incognita, & ab eorum institutis ac Christiana religione prorsus aliena. *Summus autem Sacerdos* non semper apicem potestatis aut Imperii significabat, sed etiam qui in aliqua re aut ordine primus celebatur, nuncupatus etiam summus est. Sic *summus Senator*, *summus Lector*, &c alia. *Salmasius.* Sic Johannes Baptista vocatur *הנדוֹל הַכָּהן* in Historia Ebraica & Chronico templi secundi, & in Johasi Augustinus.

I Non

valebant. Atque ô nefas dolendum & ingemiscendum, non alii fuere insectatores ejus, licet pauci admodum,<sup>1</sup> non alii tamen quam episcopi<sup>2</sup> ferebantur! Nec vero quenquam nominare necesse est, licet nosmetipso plerique circumlatrent. Sufficit, ut si quis ex his hæc legerit, & agnoverit, erubescat. Nam si irascitur, de se ipse dictum fatebitur, cum fortasse nos de alio senserimus. Non refugimus autem, ut si qui ejusmodi sunt, nos quoque cum tali viro oderint. Illud facile confido, omnibus sanctis opusculum istud gratum fore. De cætero si quis hæc infideliter legerit, ipse peccabit. Ego mihi conscius sum, me rerum fide, & amore Christi impulsum, ut hæc scriberem, manifesta exposuisse, vera dixisse: paratumque, ut spero, habebit à Deo præmium, non quicumque legerit, sed quicumque crediderit.

<sup>1</sup> Non alii tamen quam Episcopi.] Paulinus Sacerdotes nominat. Quia nempe idem Sacerdotes qui Episcopi, ut ex Paulino apparat, & Gregor. Turon.

<sup>2</sup> Ferebantur.] Juretus ex Codice suo emendat videbantur.

lib. de glor. Confess. cap. 17. Ambros. v. epist. 30. Juret.